





প্রথম প্রকাশ ১৩৪৪

প্রকাশক

নৌলিমা দেবী

সিগনেট প্রেস

২৫।৪ একবালপুর রোড

কলকাতা ২৩

প্রচ্ছদপট

পূর্ণেন্দু গঙ্গী

মুদ্রক

ভূগোপাল ঘোষ

শ্রী অরবিন্দ প্রেস

১৬ হেমেন্দ্র সেন স্ট্রীট

শ্রীরবীন্দ্রনারায়ণ ঘোষ-কে



## সূচীপত্র

ঘোড়সওয়ার ( জনসমুদ্রে নেমেছে জোয়ার )	...	...	১১
ওফেলিয়া ( তবু এ দুঃসাহস । বসন্তের সঞ্চিত সঙ্গীত )	...	...	১৪
সন্ধ্যা ( খরস্রাব্য স্তব্ধতার পাখা মেলে চকিত শহরে )	...	...	১২
পঞ্চমুখ ( আমার কুটির শিল্প লেখা যদি করে থাকে কোনো অপরাধ )	...	...	২০
গার্হস্থ্যশ্রম ( তোমায় লেগেছে ভালো—সে কথা তো জানো )	...	...	২৪
বিবমিষা ( তোমাকে রাখিয়া দূরে তবে মোর চিন্ত প্রাণ রাখে )	...	...	৩৬
উভচর ( পাখীর আবেগ জাগাবে শরীর মনে )	...	...	৩৭
কবিকিশোর ( শহরের বুকে পাঁচতলায় )	...	...	৩৯
যযাতি ( অনেক দিনের অনেক জ্ঞানের চরম ক্ষতি )	...	...	৪৭
মন-দেওয়া-নেওয়া ( ডলু যদি আজ ছাঁকামি করে—প্রায়ই করে )	...	...	৪৮
অপস্মার ( কবে ভেসে যাবে সঙ্ঘিৎ )	...	...	৫১
দ্বিবা-দম্পতি ( মনস্তরে বাস করি বটে, মনান্তরের কোনো )	...	...	৫৩
বেকারবিহঙ্গ ( অস্ত্রাচলের আঁধারেই কিবা আশা )	...	...	৫৫
প্রথম পার্টি ( শুধালাম, রবে এই ঘরে )	...	....	৫৭
মহাশ্বেতা ( নয়নে তোমার মদিরেক্ষণ মায়া )	...	...	৬১
শিখণ্ডীর গান ( সভার মাঝে বহুলোকের ভিড়ে )	...	...	৬৩
আত্মদান ( আকাশের আমন্ত্রণে গরুড় বুঝি ছিঁড়ল পাহাড় )	...	...	৭২
নির্ব্বরের স্বপ্নভঙ্গ ( সে কথা তো জানি তোমাতে আমার মুক্তি নেই )	...	...	৭৩
উন্ননা ( তুমারতুঙ্গ প্রেমের শিখরে প্রলয়ঙ্কর বান )	...	...	৭৪
টপ্পা ফুঁরি ( তোমার পোস্টকার্ড এল )	...	...	৭৭
ক্রেসিডা ( স্বপ্ন আমার কবিতা )	....	...	৮২



চো রা বা লি





## ঘোড়সওয়ার

( শ্রীবরেন্দ্রপ্রসাদ রায়-কে )

জনসমুদ্রে নেমেছে জোয়ার,  
হৃদয়ে আমার চড়া ।  
চোরাবালি আমি দূরদিগন্তে ডাকি—  
কোথায় ঘোড়সওয়ার ?

দীপ্ত বিশ্ববিজয়ী ! বর্শা তোলো ।  
কেন ভয় ? কেন বীরের ভরসা ভোলো ?  
নয়নে ঘনায় বার বার ওঠাপড়া ?  
চোরাবালি আমি দূরদিগন্তে ডাকি ?  
হৃদয়ে আমার চড়া ?

অঙ্গে রাখি না বারোই অঙ্গীকার ?  
চাঁদের আলোয় চাঁচর বালির চড়া ।  
এখানে কখনো বাসর হয় না গড়া ?  
মৃগতৃষ্ণিকা দূরদিগন্তে ডাকি ?  
আত্মহত্যা কি চিরকাল থাকে বাকি ?

জনসমুদ্রে উন্মথি' কোলাহল  
ললাটে ত্রিলোক টানো ।  
সাগরের শিরে উদ্বেল নোনাঙ্গল,  
হৃদয়ে আধির চড়া ।

চোরাবালি ডাকি দূরদিগন্তে,  
কোথায় পুরুষকার ?

হে প্রিয় আমার, প্রিয়তম মোর !  
আয়োজন কাঁপে কামনার ঘোর,  
অঙ্গে আমার দেবে না অঙ্গীকার ?

হালকা হাওয়ায় বল্লম উঁচু ধরো ।  
মাতসমুদ্র চৌদ্দদীর পার—  
হালকা হাওয়ায় হৃদয় দু'হাতে ভরো,  
হঠকারিতায় ভেঙে দাও ভার দ্বার ।

পাহাড় এখানে হালকা হাওয়ায় বোনে  
হিমশিলাপাত বঙ্কর আশা মনে ।  
আমার কামনা ছায়া মূর্তির বেশে  
পায়ে পায়ে চলে তোমার শরীর ঘেঁষে ।  
কাঁপে তল্লাসে কামনায় থরোথরো ।  
কামনার টানে সংহত গ্লেসিয়ার ।  
হালকা হাওয়ায় হৃদয় আমার ধরো,  
হে দূরদেশের বিশ্ববিজয়ী দীপ্ত খোডসওয়ার !

শূর্য তোমার ললাটে তিলক হানে ।  
নিশ্বাস কেন বহিতেও ভয় মানে !  
তুরঙ্গ তব বৈতরণীর পার ।  
পায়ে পায়ে চলে তোমার শরীর ঘেঁষে

আমার কামনা প্রতচ্ছায়ার বেশে ।  
চেয়ে দেখে ঐ পতুলোকের দ্বার !

জনসমূহে নেমেছে জোয়ার—  
মেরুচূড়া জনহীন—  
হালকা হাওয়ায় কেটে গেছে কবে  
লোকনিন্দার দিন ।

হে প্রিয় আমার প্রিয়তম মোর,  
আযোজন কাঁপে কামনার ঘোর ।  
কোথায় পুরুষকার ?  
অঙ্গে আমার দেবে না অঙ্গীকার ?

১৯৩৫

## ওফেলিয়া

( আবু সয়ীদ আইয়ুব-কে )

তবুও এ দুঃসাহস । বসন্তের সঞ্চিত সঙ্গীত  
যদি তুমি ছিঁড়ে দাও, ভেঙে দাও, জীয়ানো কুহুম,  
শ্রোতগ যাত্রার ছায়া ফেলে দাও, দুর্বাদল ঘুম  
যদিই আলিয়ে দাও দীপ্ত লঘু কৈলাসের শীতে,  
তবুও এ দুঃসাহস, তবু আজ ক'রে যাব গান ।

\* \* \*

তুমি যেন এক পরদায় ঢাকা বাড়ি,  
আমি অঘ্রাণ-শিশিরে সিক্ত হাওয়া—  
বিনিদ্র তাই দিনরাত ঘুরি ফিরি ।

উদাসীন দেখ আকাশের গায়ে মেঘেরা ছড়ায় সোনা,  
কথারা আমার গৃহহারা, করে ছায়াপথে আনাগোনা ।  
হৃদয় তোমার ছালোকে বেঁধেছে বাসা ?

ঝোড়ো হাওয়া ছোঁড়ে কালো কালো বুনো মেঘ  
চৈতী পূর্ণিমাকে ।  
আমি যে তোমাকে ভালোবাসি, সে কি তাই শুধু ওফেলিয়া ?

\* \* \*

নয়নে জ্বালাও দীপশিখা ।

অঁধার এখানে জমে কালো কালো পাথুরে পাহাড় ।

রুদ্রস্তু বর্ষার ভিজা গীতবায়ু করে শবাহত

কৃষ্ণবাস বনানীকে । শালতরু হারিয়েছে সাড় ।

রক্তহীন আর্তনাদে এ অঁধার হেডিসের মতো

হৃদয় ধরেছে চেপে । বহি তব দিক্ দীপশিখা ।

তুলে দাও, ছিঁড়ে দাও জীবনের কৃষ্ণ যবনিকা ।

\* \* \*

রাত্রি রয়েছে পাশে—

তুষারশীতল কঠিনোজ্জ্বল ক্ষুরধার তরবারি

রাত্রি ও আমি একা ।

শরভের শাদা খামকাথুশির মেঘ—

পৃথিবী পাঠায় কাশের নিমন্ত্রণ—

নির্বোধ, নির্বোধ ।

পদ্মদীঘির পাড়ে

আশ্বিনে গাঁথা গান যে আমার কুচি কুচি ক'রে ছিঁড়ে

ভাসালে নিখর জলে ।

আমারই হৃদয় নিখর গভীর নীল সে পদ্মদীঘি ।

\* \* \*

মুখরশ্রোত ব'য়ে চলেছে মাতাল অভিযানে—  
সুতকুণ্ডল বালুচরের দ্বীপ ।  
জীবনে কি সে পেয়েছে যতি ? শান্তি তার গানে ।  
আমার মন ভোলালে, ওফেলিয়া ।

\* \* \*

নীল রহস্য নয়নে ঘনায় তার—  
তুমার-শিখর প্রাচীরের মাঝে  
স্নিগ্ধ গভীর দীঘি ।

নিম্নে এলে হাতে ঐকজালিক মায়া,  
শ্রামল ঘূমের কোমল স্বপ্নে বোনা !  
জেগে দেখি চেনা পৃথিবীও গেছে উড়ে ।

ক্রন্দসী বুঝি তোমাকেই ঘিরে ছড়াল ধারা !  
কবে হৃদ ভেঙে আবর্ত হবে মন্দাকিনী ?  
সে প্রপাতে হোক আমার অপ্সুদীক্ষা সারা ।

\* \* \*

মরণে দৌহে করিনি জয় জীবনে বাহুডোরে  
অতনুরতি বাঁধিনি আজো মোরা ।  
বিদায়রবি-রক্তালোকে, শিশির-সিত ভোরে  
অনির্বাক তবুও পথে ঘোরা ।

\* \* \*

দেবযানী ! সাক্ষে তোমার প্রণাম মাঝে  
ক্লিষ্ট আমার দিবসের ক্ষমা বাজে  
শাপমোচনের স্রুতি স্রের পাকে পাকে এই সাধনা আমার ।

মুক্তি-ইশারা নয়নে তোমার দূরবিহঙ্গ নভোবিহার,  
শাস্তিতুষার মুঠিতে তোমার, ছড়াও বারেক বৃষ্টিধারে  
হৃদয় ওড়াও আকাশে, জীবন হোক তুষারদ্রু।

\* \* \*

প্রসার্পিনা কুসুমে ছায়, বৈতরণী পাশে  
ছড়ায় আহা ! কোমল নীল ঘুমের আবাহন ।  
লোলুপ তবু বিধায় কার আবির্ভাব-আশে  
প্রাস্তরের প্রান্তে চায় ভিক্ষু দেহমন ।

\* \* \*

উদ্ধত প্রেম উদ্ধত হাতে আনো ।  
সন্ধ্যা-আকাশে বৈশাখী হাসে  
মরণমায়াকে হানো ।

এনেছিলে বটে হাসি ।  
মেঘের রেশমী আড়ালে দেখিনি  
বজ্রের যাওয়া-আসা ।



অমরাবতীর দৈব প্রাচীর চুরমার হল মর্ত্যলোকেই ।  
ধূমকেতু এই বিরাটদাহন বিশ্ব আমার তোমার চোখেই  
পেয়েছিল তার পরমাগতি ।

১৯৩৩

## সন্ধ্যা

খরস্রাব্য স্তম্ভতার পাখা মেলে চকিত শহরে  
রুদ্ধপেশী মেঘবন্ধে সন্ধ্যা নামে স্নান কাস্তি মুখে,  
ধীরপক্ষে ছায়া নামে আকাশের আর্হিক কোঁতুকে,  
মায়া নামে জনহীন শব্দহীন ছায়াচ্ছন্ন ঘরে ।  
শূণ্য বাতায়নে একা ব'সে আছি শিথিল প্রহরে,  
অতীতের স্মৃতিগুলি হাত থেকে প'ড়ে ঝুঁকে,  
একেসাসী স্মৃতির এ জীবন গেল বুঝি চুকে,  
সাগরসন্তান সব জেগে ওঠে মনের গহ্বরে :  
গন্ধর্ব কিন্নর সিদ্ধ যারা করে স্বপ্নশৈলে বাস,  
উলুপীর জ্ঞাতি তারা চেতনার হাত ছুঁয়ে যায়,  
সংখ্যাহীন বহু মূর্তি পরোক্ষ ছায়ায় পায় শ্বাস—  
ভাষা দিলে অলৌকিক সীমান্তিক এ সন্ধ্যাক্ষণের  
জাতিস্মর বন্ধুদের, স্মৃতিশাস্ত মগ্ন মননের  
-মদনৃত্য দেখা দেবে শহরের স্তম্ভতাপাখায় ।

১২৩৩

## পঞ্চমুখ

আমার কুটিরশিল্প লেখা যদি করে থাকে কোনো অপরাধ  
কুস্তীরক প্রবৃত্তিতে, হে প্রেয়সী, তোমার পল্লবে ঢাকা চোখে ;  
আমার রচনা যদি তোমার পেলব পাণ্ডু তনুর মাধুরী  
রূপান্তরে ব্যর্থ হয় ; তোমার কোমল স্বপ্নে আঁখিছায়াপাত  
যদি না দিয়েই থাকে শিল্পকর্মে ঘটকালি-সার্থক প্রসাদ ;  
আমার এ কল্পনার মন্দিরের তোরণে শিখরে যদি লোকে  
দেখে শুধু তোমারই হাসির দক্ষ গভীরতা অনন্ত চাতুরী ;  
তবু তো বলবে তারা—এ কখনো ভবে ক্ষোভে ভ্রান্তিতে বা শোকে  
মৃত্যুকে দেয়নি কর । এ বেঁচেছে জীবনের উল্লাসবরণে ;  
লজ্জা শুধু অক্ষমতা ; তবু প্রিয়া, তুচ্ছ হবে যত অপবাদ,  
মানি শুধু অক্ষমতা, তাই, আর তোমাকেই নিমিত্তকরণে ।

২

উত্তরে হাওয়া লাগেনি কখনো তোমার গায়ে  
পাহাড়তলীর দাবদাহ আজো দেখোনি চোখে ।  
সাহারার বালি পোড়েনি তো আজো কোমল পায়ে ।  
প্রসাপিনার পরশ পাওনি এ মরলোকে ।  
খরযোবনে হৃদয়বিহীন তোমার হিয়া,  
হাসি তো তোমার বুথাই ছড়াল তুমার, প্রিয়া !

আসবে একদা সারৈ বৈরাগী ঘরছাড়া কেউ  
—তোমার হৃদয়-পাইনের বনে কী কানাকানি ।  
ঘাটে বাঁধা ঐ দীঘিতে ঢুলবে সাগরের ঢেউ  
প্রভাতেই হায় ডেকে নেবে তাকে দূরের বাণী ।  
আসবে একদা সিদ্ধপুরুষ, সংসারে তার  
শিশিরে শুকাবে তোমার প্রেমের পাতার বাহার

সময় এখনো যায়নি ফুরিয়ে পথশোধনের—  
এই হল সার ভাবীকথকের এ নিবেদনের ।

৩

তুমি তো ফিরাও মুখ ।  
তোমার দুচোখে স্থির নীল শর্বরীর  
শক্তি ক্লান্তির দূরভাস ।  
তোমার হৃদয়ে কাঁপে পাখির পালক, যত  
গতিহীন অতীতের স্মৃতি  
বিষন্ন ভীতির গায়ে লাগা  
তবু আমি বলে যাব কথা  
বারবার উঠে যাব হৃদয়ে তোমার,  
পলে পলে দেব নিমন্ত্রণ ।  
প্রেম যে আমার হল প্রতীক্ষায় প্রস্তুতিতে  
দিন রাত্রি আজ চিরজাগা :

একদা আমারই হবে জয় ।

বারবার বাতাসের হাতে লেগে লেগে,

পুঞ্জীভূত বাতাসের বেগে

ঝরে যাবে বিড়ম্বনা, মুক্তি পাবে মানসবলাকা ।

হৃদয় তোমার প্রিয়া আমার মনের নীলে মেলে দেবে পাখা ।

তোমার ও দীপ্তি মুক্তি পাবেই আমার চিন্তে, কোনো তরুণ তমালে,  
একদিন, একরাতে, কোনো এককালে ।

৪

ক্ষুরধার পথ, দুর্গম দূরদেশ—

তীর্থযাত্রী খুঁজেছি ভাবচ্ছবি ।

সঙ্গী করেছি দেশবিদেশের কবি ।

বিস্তারি' পাখা ঘুরেছি দেশবিদেশ ।

ঘুরেছি তোমার নীলোৎপলের খোঁজে

তেরো নদী আর সাত সাগরের পার ।

কানে কানে বলে বাতাস বারম্বার—

জন্মে প্রণয়ে মরণে জীবন শেষ

ক্ষান্তি মেনেছে নীড়সন্ধানী মন ।

থেমে গেছে আজ অশনায়ী অশ্বেষা ।

তপস্তা আজ নিদ্রার আরাধনা ।

বাস্তব মনকে আশ্রয় করি শেষ ।

জন্মে প্রণয়ে মরণে জীবন শেষ ।

কবে থেমে গেছে সে হয়রাজের হ্রেষা !

নিদ্রাও হল অগম কোন্ সাধনা ।  
 প্রায়োপবেশনে শশকবিষাণ গোণা ।  
 ভঙ্গুর স্নায়ু কণ্টক অগণন ।  
 স্বপ্নেরা হল ফণিমনসার বন ।  
 জন্মে প্রণয়ে মরণে জীবন শেষ ।  
 হে হৈমবতী, আর কেন হানো শ্লেষ ?  
 ডোবাও ডেবোও সিমুমরুক্ষ দেশ ।  
 এ প্রতিহিংসা অকারণ বিদেষ ।

৫

এ আকাশে ভিড় নেই, একখানি মেঘ শুধু ছেয়ে,  
 যেনবা রেখেছে চেপে বাক্যখর পৃথিবীর মুখ ।  
 মুখরতা নেই আর, ধূসর কোমল মেঘখানি  
 চোখে আনে কাস্ত তৃপ্তি, শরীরে ছড়ায় শান্তি ধীরে ।  
 মনে আনে মূর্তি তার, স্নিগ্ধদেহ, সামান্য-উৎসুক ।

সামান্য যে মন তার ? তবু তাকে লেগে থাকে ভালো ।  
 স্বচ্ছতার স্পষ্ট আর নিতাস্তই সীমাবদ্ধ মন  
 স্বার্থ আর প্রত্যাহের জীবযাত্রা জানে শুধু জানি ।  
 জানি সে স্ত্রীপ্রজ্ঞা মাত্র, মানি যে সে সাধারণই মেয়ে,  
 মহাশ্বেতা নয়, তবু তার কথা মনে লাগে ভালো ।

পাহাড়েরা নেই আজ, স্নিগ্ধ মেঘে দিগন্ত মন্থন ।

১৯৩৪

## গার্হস্থ্যাশ্রম

### পূর্বরঙ্গ

তোমায় লেগেছে ভালো—সে কথা তো জানো ?  
তোমার ও কটা চোখ—যদিচ বাঙালী,  
বুধবার থেকে কেন মনে পড়ে খালি !  
লোকে থাকে প্রেম বলে—সে কি তুমি মানো ?  
জেনে শুনে চোখ দিয়ে আমাকে কি টানো ?  
নাকি, তুমি অজানিতে ভ'রে যাও ডালি ?  
নাকি, আমি সংস্কৃত, প্রাকৃত ও পার্শ্ব  
পড়েছি প্যারিসে গিয়ে, তাই চোখে আনো  
কৌতূহল নামে বস্তু, অলকা, বলো তো ।  
আমাকে বলতে কিছু ভয় পেয়ো নাকো ;—  
একাধিক ওষ্ঠাধর ঠেকেছে এ কানে ;  
তাছাড়া প্রেমের ফুল-ও বিবেচনা মতো  
তুলি আমি ।   তবু কেন চূপ ক'রে থাকো ?  
ক্ষমা কোরো, হেসেছি কি সেদিনের গানে ?

### জাতিস্মরণ

বহুকাল আগে আমরাই কবে বেসেছি ভালো,  
সে কথা কি আজ সিনেমাছায়ায় গিয়েছ ভুলে ?  
প্রাক্‌পুরাণিক কী মায়া ছড়াল চোখের আলো ।  
কোন পাথরের অরণ্যে কবে বেসেছি ভালো ।

তারপরে কবে হারাল যে আলো চোখের কালো  
আবার কি আজ চাইবে তেমনি ছুচোখ তুলে ?

গলোভন

তৃতীয়ার ক্ষীণ করণ আলোয় দখিন হাওয়ার  
কাঁধে কাঁধ দিয়ে ইজিচেয়ারেই বসব দৌহে ।  
স্বরভি অলক স্বতই জড়াবে আমার গায়ে,  
স্তম্ভ শহরে করণ আলোয় নিরলা কোণায়  
স্বরের মতোই উত্তল অথই বিধুর হিয়ায়  
বসব দুজনে—মুখ ও কপোল ঠেকবে মোহে ।

প্রতীপগতি

হিমের হাওয়া ব'য়ে তো গেল  
দৌহার মাঝে ।  
নীলোৎপল হয়েছে আজ  
কাঠগোলাপ ।  
আজ্ঞো তবু কি রইব দ্বারে  
হিম হাওয়ায় ?  
খেমেছে, আজ নীল আকাশে  
নভোবিহার ।  
কোজাগরের দীপ্তি গেল,  
রয়েছে আজ



গ্যাসের আলো—পরিচিতের

মুহু হাসিই

আমার মুখে, তবুও হাতে

দেবো না হাত ?

হিমের হাওয়া বয়ে তো গেল—

মাঘের হিম ।

আশ্বিনের মেঘ তো গেল

গিরিচূড়ায় ।

শীতল হল তোমারও পানে

হৃদয় আজ ।

হেমস্তের কুয়াশা গেল

নীল আকাশ ।

নয়নে কেন নতুন ক'রে

শ্বেত তুষার ?

হিমের হাওয়া বয়ে তো গেল—

মাঘের হিম ।

তামাদি

তোমাকে ভালোবেসেছিলাম পড়ছে আজ মনে !

শরৎ মেঘে চিত্রিত এ স্ননীলাকাশ তলে,

হাসুনোহানা সুরভি করে, সন্ধ্যাতারা জ্বলে,

পশ্চিমের বিধুর মুহু উদাস বায়ু-স্বনে

তোমাকে ভালোবেসেছিলাম, পড়ছে আজ মনে ।

প্রিয় তোমার কুজন করে সহাস মৃদু-স্বরে,  
সাড়ায় তার তনু তোমার কাঁপছে নির্ভরে ।  
একেলা আমি অন্ধকারে বারান্দার কোণে—  
তোমাকে ভালোবেসেছিলাম পড়ছে আজ মনে ।

চামেলি হাওয়া সুরভি হাওয়া শারদাকাশ তলে  
আঁধার ভিড়ে সন্ধ্যাতারা সঙ্গহারা জলে ;  
তোমাকে দেখি প্রিয়ের সাথে মধুর আলাপনে—  
তোমাকে ভালোবেসেছিলাম পড়ছে আজ মনে !

জীবন চলেছিল যখন সফলতার রথে,  
দেখেছিলাম তোমাকে ভিড়ে দ্রুত জীবনপথে,  
কাজের মাঝে ফিরিয়েছি কি হৃদয়ামন্ত্রণে,—  
বেসেছিলাম তোমাকে ভালো, পড়ছে আজ মনে ।

শ্রুতি ও প্রেম

সমুখে সাগর বিরামহীন তাকিয়ে আছে,  
বুকে তার নয় বিরামবিহীন আবেগধারা ।  
তুমি আর আমি বসেছি পরস্পরের কাছে,  
সমুখে সাগর বিরামহীন তাকিয়ে আছে,  
বালুকাবেলায় টাঁদের আলোয় ঢেউয়েয়া নাচে  
আবেগআকুল কিন্তু উদাস, দিশারীহারা ।

বড়িতে যে ক'টা বাজল তা কারো নেই তো জানা,  
 জনহীন তটে, বালুকাবেলায় আমরা দৌহে ।  
 শুভ্র তোমার বাহুতে আমার হাতটা টানা ।  
 অসীম আকাশে সাগর হারাল সব সীমানা ।  
 পূর্ণিমারাত্রে সাগরসভাতে প্রেমকে আনা ।  
 শুধু তাই ভাবি উভয়ে উদাস নীরব মোহে ।

বেতাল

লেকে আজকাল সকলেই যায়  
 ভালো লাগেনিকো তোমার যাওয়া ।  
 মিশে গেলে তুমি সাধারণে হায় ।  
 লেকে আজকাল সকলেই যায় ।  
 সকলেরই মতো ম্লান সঙ্কায়  
 তুমিও যাচ্ছ ! কী বুজোয়া ।

সেই থরোথরো দিনের সে স্মৃতি  
 স্মরণে কি আর কথা নাহি কয় ?  
 সেই উন্মাদদিনের সে প্রীতি,  
 সেই সঙ্ক্যার মায়াময় স্মৃতি  
 মনে রেখো, জ্যেৎমায় শোপ্যাগীতি ।  
 কেন যাও লেকে ?—কিনা ক্ষতি হয় ?—  
 সেই থরোথরো দিনের সে স্মৃতি  
 স্মরণে কি আর কথা নাহি কয় ?

বেড়াবে ! তা কেন যাও নাকো মাঠে ?  
 আমার সঙ্গে—ক্ষতি কিছু হয় ?  
 কিন্তু তুমি যে অচেনার হাটে  
 বেড়াবে ! তা কেন যাও নাকো মাঠে ?  
 সমাজের কেউ লেকে ছি ! কি হাঁটে !  
 তাও সঙ্গে ও চৌধুরী বয় !

আধিভৈষিক প্রত্যাশ

বার্ধক্য যখন দেবে সারা দেহ ঢেকে  
 করোগেট-বিকৃষ্ট শরীর যখন  
 দেখাবে, বাস্বে ভালো তোমাকে তখন ?—  
 সেই কথা ভাবলুম ব'সে ব'সে লেকে ।  
 তোমার রঙেরও লিলি হবে খড় রং,  
 নিটোল ও বাহুলতা হারাবে মাধুরী,  
 কালো চোখ হবে কিকে, হারাবে চাতুরী,  
 তার চেয়ে বড় কথা, যাবে মিঠা ঢং ।—  
 এই সব কথা লেকে বেজায় ভাবিত  
 করল, বিশ্বাস করো, খাঁটি কথা বলি  
 সমাধানে কিছুতেই মন উপনীত  
 হল না—ভাবনা-বিষে নিদারুণ জ্বলি ।  
 তোমার পাশে তো তাই ঘেঁষে এসে মিলি  
 সিগারেট না খেয়েই—হাসছ যে লিলি !

শৃঙ্গের চ স্পর্শনিমীলিতাঙ্গীঃ শৃঙ্গীমকুণ্ডলত কুণ্ডসারঃ

মাঘের মাঝারে ফাল্গুনী হাওয়া বয় ?  
আজ লিলি শুধু স্বপ্ন দেখার পালা ।  
নীল শাড়ি যেন তলুটি ঘেরিয়া রয়,  
নারিকেলবন মর্মরে কথা কয়,  
গুঞ্জন যেন স্বপ্নের ভাষা বয়,  
খোঁপায় জড়াও অকাল যুথির মালা !

উদাস উর্ছ সুর মৃদুমিঠে স্বরে  
গুঞ্জন করো, স্বপ্নের জাল টানো ।  
আজ লিলি আর থাকা যায় নাকো ঘরে ।  
উদাস উর্ছ সুর মৃদুমিঠে স্বরে  
শহরে ছাতেও অকাল দখিনা করে  
উতলা উদাস—সে কথা তো লিলি জানো ।

অকালে দখিনা, ভেঙেছি কাজের কারা,  
ছাতে চলো লিলি, সংসার যাক্ থ’সে ।  
হৃদয় পাখির মতো যে বন্ধহারা—  
অকালে দখিনা ! ভেঙেছি কাজের কারা—  
কী সূখে উতলা পরাণ-পুতলা সারা ।  
কাঁখে কাঁধ দিয়ে নীরবে রইব ব’সে ।

আমরা বসিয়া রহি অগ্নমনা ; সম্মুখে সাগর  
 উদাসীন নিস্তরঙ্গ ; প্রেমের বহুস্ত ভেদিবারে  
 আমাদের কাটে রাত্রিদিন । মোদের চিত্তের দ্বারে  
 প্রেম নয়, প্রলুপ্ত ; আমাদের যামিনী জাগর  
 কাটে নাকো, সংস্কৃত কবিতার নাগরী নাগর  
 কাটাত যেমন, আমরা পৃথিবীকে আর বিধাতাকে  
 শুধাই, শুধাই শুধু আমাদের—তোমাকে, আমাকে ।  
 প্রেমের পৃথিবী ছেড়ে স্থতি দিয়ে বাঁধি যাহুঘর ।  
 আমাদের মস্তিষ্কের মন্বনের উগ্র হলাহলে  
 ইন্দ্রিয়ের দৈত্য যত পরিশ্রান্ত, অবশ, অসাড় ;  
 প্রেমের ক্যাফিন গেল আমাদের বেলায় বিকলে ;  
 জিজ্ঞাসার মদিরায় মস্তিষ্কে এ সবই ব্যর্থ হয় ।  
 প্রেমের তব্বের ছাত্র, মোরা শুধু ভাবি, নাহি রয়  
 বিহঙ্গের মুক্ত হর্ষ, রহে শুধু কুণ্ঠিত বিচার ।

গ্রহণ

চেয়েছিল সারা ঘর কম্পনায় স্তব্ধতা অটল ।  
 হৃদয়ে আমার ব্যগ্র ভয় কাঁপে—লাঞ্ছনা-সজ্জাসে ।  
 আকাশে থমকে সন্ধ্যা মুখে ঢালে তোমার রক্তমা ।  
 স্তব্ধ ব'সে প্রতীক্ষায় তোমাকে যে আজো ভালোবাসে ।

রগক্ষেত্রে পদপাত ক'রে চলে সশব্দে মিনিট ।  
ছত্রভঙ্গ হৃদয়ের কথাগুলি শুয়ে আছে ভয়ে ।  
পৃথিবীর যত ভার বয়ে আনে প্রতিটি মিনিট,  
আনে যে আগামী তব দ্বার দেখানোর সংশয়ে ।

মনে হয় মর-স্বর্গে বারান্দার উপরে দাঁড়িয়ে  
চলোঁছি প্রতীক্ষা ক'রে যদি কভু ডাকে বেয়াত্রিচে ।  
হৃদয়ে উন্মুখ আশা উদ্ভাসিত, দুহাত ছড়িয়ে  
এদিকে রয়েছে দেখি কল্লাস্ত যে দুয়ারের নিচে ।

চিত্ত হল মৃতপ্রায়, অসাড় নীরব অন্ধকারে ।  
অকস্মাৎ ফুটে ওঠে মন্দির রজনীগন্ধা শত ।  
অকস্মাৎ ফুটে ওঠে কালো নীল ঠেলে শত তারা ।  
তোমার দেহের জ্যোৎস্না খোঁজে মন আনন্দ-আহত ।

তোমার কথার পাখা নিল প্রিয়া আমাকে আকাশে,  
নক্ষত্র-কম্পিত লোকে আনন্দের লঘিষ্ঠ হাওয়ায় ।  
নিয়ে গেল আন্দোলিত রজনীগন্ধার শুভ্রবনে ।...  
অন্ধকারে চোখে চোখে নির্ভরের মাধুরী ঘনায় ।

মধুসামিনী

সূর্যের সাথে শত্রুতা আমাদের ।  
রাত্রির সীমা ছোট ক'রে দেয় ও যে ।

টেনে দেয় হায় আমাদের প্রেমে ঘের,  
বহির্জগতে, শত্রু সে আমাদের ।  
সে যবে দাঁড়ায় চোঁকাঠে বাসরের,  
আমাদের প্রেম লজ্জায় চোখ বোজে ।

কন্ডিশন্ড, রিক্সেস্

অভ্যাস, শুধু অভ্যাস, লিলি, তাই তো আসি  
তোমার উষ্ণ প্রেমের হাস্তচপল নীড়ে ।  
অভ্যাস, শুধু অভ্যাস, ভালো তাই তো বাসি ;  
সহজের পেশা, আরামের নেশা, তাই তো আসি  
তোমার শাড়ির ছটায়, কথায় কথায় হাসি—  
না হলে ঝঙ্কা ফেলত যে সারা জীবন ঘিরে ।

মকস্লে

আজ আর প্রেম নয়,  
আজ শুধু ঘুম ।  
চাঁদের চাহনি নেই,  
হু-চোখ নিঝুম ।  
মনে ভাসে রেশ শুধু  
মাঠের গানের ।  
স্নায়ুতে ছন্দ কাঁপে  
নাচুনি ধানের  
ক্লান্তি ছড়ায় তার  
শান্ত প্রলেপ ।



প্রেমেই দিয়েছে মন

ঘুম-অবলেপ ।

ফসল-কাটার ছবি

ছ-চোখে ভাসে ।

এখনও অঙ্গ দোলে

প্রাকৃত রাসে ।

টাদের চাহনি নেই,

মন নিঃস্রুম ।

আজ আর প্রেম নয়

আজ শুধু ঘুম ।

আত্মজ্ঞান

যদি আমি জন্মাতুম বহুদূরদেশে

তোমাকে পড়ত মনে, নিতুম কি চিনে ?

এ দূরত্ব এড়িয়ে কি আসতুম হেসে ?

তুমিও চিনতে হেসে পরিচয়হীনে ?

ধরো, যদি তুমি হতে টাহিটির মেয়ে,

অজানা রহস্যময়ী মরুস্বর্গলোকে,

আমি কি যেতুম, সখী, গ্যাসিক্‌ বেয়ে ?

বলতুম হেসে, “একি ! চেনা লাগে ওকে !”

আমরা যে অতিস্বর্গী সকলেই বলে,

আমাদের উভয়ের প্রেমের গৌরব

সকলের মুখে শুনি । লোকমুখে চলে

আমাদের উভয়ের হৃদয়-উৎসব ।

সুযোগ পেয়ে তো তবে পাশাপাশি মিলি ?  
আমাদের ভালোবাসা প্রাকৃতিক, লিলি ।

১৯২৫-১৯৩০

## বিবমিষা

তোমাকে রাখিয়া দূরে তবে মোর চিত্ত প্রাণ রাখে ।  
তোমাকে দেখিলে রীষি করে মোর গ্রন্থিন্মায়ুশিরা ।  
তোমার নিঃশ্বাস হানে বিষবাম্প মোর নাসিকাকে ।  
তোমার কথায় মোর বুদ্ধি পায় পক্ষাঘাত পীড়া ।

তুমি ক্লিন্ন অস্থিহীন পিচ্ছিল শ্বেদাক্তহক সাপ ।  
পিত্তস্রাবী স্পর্শ পাই তোমার ও মেদাক্ত আঙুলে ।  
সামুদ্রিক পীড়া তুমি, তাই সারা দেহ ওঠে তুলে,  
ঘৃণার শ্বেতোমিম্পর্শে পুণ্য হয় উদ্গারের পাপ ।

অবজ্ঞায় অবগাহি লভিলাম প্রাণের বিস্তার ।  
ভাগ্য তব মোর হাতে । অদৃষ্টের দৃষ্ট পরিহাসে  
নিজ অপঘাত দেখ ? হাহাকারে কোথায় নিস্তার ?  
কার ক্ষীতৌদর শব মোর মুক্তিস্নানজলে ভাসে ?

গভীর আমার ঘৃণা—ঘৃণার এ সমুদ্রের পাশে  
প্রেম যে গোপ্পদজল শুষ্কপ্রায় গ্রামের ডোবার ।

১২২৯

## উভচর

পাখির আবেগ জাগাবে শরীর মনে ?  
পাখার ঝাপট দিনরাত যাব শুনে ?  
পাখার ছন্দ হৃদয়ে কি দেবে বেধে  
হর্ষ-বিহারে দূর দিগন্তকোণে ?

নগরের ভিড়, ব্যর্থ দিনের জ্বালা !  
অসহায় ভীকু ? শুধু তার পথে চলা ?  
বন্ধুর ক্র-ও কুটিল—ঝগের ভীতি ?  
অগণন লোক — তবু জ্বালা, শুধু জ্বালা ।

গ্রন্থলোকের পরিক্রমা তো শেষ ।  
শিল্পীজনের মিতালিতে শুধু শ্লেষ ।  
নিঃসঙ্গতা মুখোমুখি অপলক !  
ছপাশে ছনায় ক্রান্তির মেঘাবেশ ।

দিশাহারা চোখ, চরণ আস্থাহীন—  
স্থিতি চাইনেকো, ঘুঘু নয় ওগো শ্রেন !  
উর্ধ্বলোকের উদ্ধতগতি দাও,  
তুষারভূজ চূড়ায় চূড়ায় ঘোরা !  
স্বচ্ছশীতল হালকা হাওয়ায় ঘোরা !  
কাটুক আমার জীবন মরণে সেতুবন্ধনী দিন ।

হে মেরুচারিণী, তোমার চোখের নীল  
ইম্পাতে আজ বলসি উঠুক

কঠিন দীর্ঘ খড়্গোদ্ধত দিন  
উর্ধ্বলোকের উদ্ধত গতি চরণ আশ্বিত্যহীন ।

১২৩০

## কবিকিশোর

God's in His Heaven

All's right with the world.

শহরের বুকে পাঁচতলায়  
নেব সখী এক ছোট্ট ফ্ল্যাট।  
ট্রাম বাস ভিড় নিত্য যায়--  
উচ্চ বৃক্ষ-চূড়ে দৌহায়  
ভিড়েতে থেকেও কী নিরালায়।  
গোলমাল যেন পায়ের ম্যাট।  
শহরের বুকে পাঁচতলায়  
মধুচক্র সে ছোট্ট ফ্ল্যাট।

ঘুঘুনি ও ঘুঘু রইব তায়,  
আর্কেডিয়া কি, বুঝবে তাই।  
সে ছোট ফ্ল্যাট, চোঁমাথায়—  
এলসি ও বব্ রইব তায়—  
ক্ষীণ কোলাহল ভাসে হাওয়ায়  
ঘেঁমাঘেঁষি ক'রে দিন কাটাই।  
এলসি ও বব্ রইব তায়—  
কবি-জীবন কি বুঝবে তাই।

প্রিয়াক্ষায়েলাইট্

প্রতিটি মুহূর্তে মোর মূর্তি পায় তিলক রসহীন  
দুর্বাসা বিশ্বের জুর সর্পফণা অশান্ত কৌতুক।

সূর্য দেয় অর্থহীন স্বচ্ছ তার বিজ্রপ যৌতুক,  
 রাত্রিশেষে নিদ্রাহীন চুষনের জ্বালা হানে দিন ।  
 ভুলে গেছি কিবা ভুল—দিনগুলি ক্লান্ত হতাশাস  
 হেমস্তের কুষ্ঠরোগে গতপত্র অরণ্যের মতো ।  
 প্রত্যহ প্রভাতে জানি দীপ্ত দিন ব্যর্থতায় হত  
 মিলাবে রাত্রিতে বৃথা,—এ জীবন এক দীর্ঘশ্বাস ।

দীধিকায় ভাসিলাম—তোমাদের তরঙ্গের মাঝে,  
 খাণ্ডবদাহের ক্ষত জুড়াল না হায় নারী, হায় !  
 কাজলগভীর মৃগনয়নের ঘন পশ্মছায়ে  
 প্রাণবহ বসন্ত তো নাহি এল শ্রামপত্রসাজে  
 শীতমরুচিতে মোর নিশ্বাসের চৈতালী হাওয়ায় ।

হেদে. ১৬.

চাঁদ চ'লে গেছে,  
 কুন্তিকা গেল,  
 মধ্য রাত্রি ।  
 প্রহর যায়,  
 প্রহর যায়,  
 একেলা কাটাই সঙ্গহীন ।

সন্ধ্যাতারা

অপক্লপ রূপে চিরায়ুস্মৃতি অঙ্গুরী ।  
 কবির মানস এল মানবীর দেহপুরে ।

তোমার দেহের দেউলে দেবীর স্তব করি ।  
 বেশকেশ রূপআবেশে নিও না সন্ধরি,  
 আঁখিপাখি তব দিশাহারা ওড়ে ঘুরে ঘুরে ।  
 চলচঞ্চলা গতঅঞ্চলা অঙ্গরী ।  
 স্বপ্ন-শিখায় গুড়ে থাক্ দিবা শব্দরী ।  
 বক্ষ্যা প্রিয়ার দীপ্তি তোমার দেহে ফুরে ।  
 নহ মাতা তুমি, প্রেয়সী তোমার স্তব করি ।  
 প্রিয়ার মূর্তি ! প্রেমে কাঁপে তনুবল্লরী,  
 স্তনধারা কভু বক্ষে তোমার নাহি বুবে,  
 ভার বহে তনুলতা ভাঙে নাকো, অঙ্গরী  
 রহস্তময়ী ! বুথাই তোমার তপ করি ।  
 দেহের নাগালই পাইনে—মন তো আরো দূরে ।  
 দিনেমায় আসি মিছেই—মিছেই স্তব করি ।  
 বিলোল স্তিমিত আঁখি জঁলে ওঠে সব হরি'  
 চকিত চুমায় সচকিতরতি আধো সুরে  
 কেশের আবেশে নিঃস্বম ক'রে অঙ্গরী  
 স্টুডিও-উধাও ! মিছেই দেবীর স্তব করি ।

জ্যোৎস্না

Pater's view of art, as expressed in the Renaissance,  
 impressed itself upon a number of writers in the nineties,  
 and propagated some confusion between life and art  
 which is not wholly irresponsible for some untidy lives...  
 T. S. Eliot.



মনে মনে বলি,  
 হে মোনালিসা !  
 সাইনারা  
 এসো মলিন আলোয় ।  
 শহরের মুখে ধূসর সন্ধ্যা নামে ।  
 হৃদয়ে আঁমায় ঘরছাড়া যে গো ডাকে ।  
 আমি চঞ্চল তাই, তাই হৃদয়ের পিয়াসী  
 আমি তাইতো আকাশে কান  
 পেতে শুনেছি তোমার গান, হে মোনালিসা, হে সাইনারা  
 মলিন আলোয় বইয়ের পাতায়  
 স্বপ্ন-আতুর বিদেশী ভাষার মায়ায়  
 তোমাদের পদপাত  
 করেছে আমাকে একাগ্র ব্রতচারী ।  
 সাগরের ঢেউয়ে বহুদিন হল তুলে তো দিয়েছি পাল ।  
 অশেষ যাত্রা, অসীম সাগর, শুধু পদপাত শুনি ।  
 হে মোনালিসা, শুধু হাসো তুমি মধুরহাসিনী অপরিচিতা,  
 যখনই শুধাই, ওগো বিদেশিনী, হে মোনালিসা, দিনের চিতা  
 ক্লান্ত ঘরের নীরবতা দেখ তোমাকে ডাকে ।  
 পেটারের মেয়ে,  
 কুমারের মন ঘরছাড়া হল তোমার খোঁজে  
 কবিতার বাঁকা ইন্দ্রধনুর দুক্লহ পথে,  
 হে সাইনারা, কালো রাত্রির ক্লান্ত ঘুমে,  
 পরিশ্রান্ত স্বপ্নে তোমার  
 কুমারের ঘন কামনাছটায় তোমার আসা  
 ধমনীর তালে শুধু পদপাত, অকারণ পদপাতে ।

রুডেল তোমার মরণ-ক্লান্ত, শুধায় তোমায় আসবে তো এসো  
হে মোনালিসা, হে সাইনারা, স্বপ্নসঞ্জীবনীর বীজনে  
এসো এসো এই মলিন আলোয় সাগরের শ্বেত কেশর পাণ্ডু দুপায়ে ঢেকে,  
বহু দূর দেশে জড়তার গ্রানি মেখে শহরের মুখে জ্বরতী সন্ধ্যা নামে ।

প্রলাপকল্পন

কবিকিশোর ফিরেছি পথে পথে  
সাত সমুদ্র তেরো নদীর পার ।  
যেখানে যত পাণ্ডু মুখ আছে  
বাকি তো কিছু রাখিনি দেখিবার ।  
কেহ বা ডেকে কয়েছে দুটো কথা  
কেহ বা চেয়ে করেছে আঁধি নত ;  
কাহারো হাসি ছুরির মতো কাটে,  
কাহারো হাসি আঁধিজলেরই মতো ।  
গরবে কেহ গিয়েছে নিজ ঘর,  
কাঁদিয়া কেহ চেয়েছে ফিরে ফিরে ।  
কেহ বা কারে কহেনি কোনো কথা  
কেহ বা জিন্ খায়নি ধীরে ধীরে ।  
এমনি ক'রে ফিরেছি পথে পথে  
অনেক দূর কীটনে পদরথে,  
রূপার দেশে রূপালি রাজবালা  
তাহারি গলে এসেছি দিয়ে মালা ।  
ঘুরেছিলাম মোনালিসার খোঁজে,  
লিসির মাঝে তাহার হাসি বুঝি !

দা ভিক্ষির দৈবী নিপুণতা ।

সুদূর দেশে রচনা তার খুঁজি ।

বাদল মেঘ খুলেছে বেণী তার

বৃষ্টিভেজা পার্কস্ট্রীটের মুখে ।

প্রহরী আলো জাগাল চিকিমিকি,

কদম্বের পুলক লাগে বুকে ।

সন্ধ্যা আর মেঘের আলোষে

পূরব বায়ু ফেলিছে দ্রুতশ্বাস ।

ওঅলৎস-ধ্বনি পায়তে গতি আনে

হঠাৎ লিসা দাঁড়াল মোর পাশ ।

সাইনারার পূর্বস্মৃতি চোখে !

লিসার হাসি দেহী যে মরলোকে !

রূপার দেশে রূপালি রাজবালা

লিসির গলে পরায়ৈ দিল্লু মালা !

ব্রাহ্মমুহূর্তের স্বপ্ন

চ'লে গেল টাঁদ,

শান্ত ধূসর অন্ধকার,

সূর্য এখনো আসেনি,

শীতল স্থির আকাশ,

গ্যাস্ নিভে গেছে,

জাগেনিকো কাক,

বাতাস চুপ—

শুধু কাঁপে তার, শুধু বাজে শ্বেত বক্ষ তার ।

খোয়ানি

## Rosa Alchemica

কোন ক্ষণে  
স্বজনের সমুদ্র-মন্ডনে  
উঠেছিল দুই নারী  
বাসনার শয্যাতে ছাড়ি' ।  
একজন লক্ষ্মী সে কল্যাণী  
স্তিমিত প্রাণের বহি—কেন নাহি জানি ।  
সংসারের সোনার খাঁচায় সংহিতার সমুচ্চ মাচায়  
মস্তণ তৃপ্তিতে তিনি র'ন ।  
পূরবীর করুণ লগন,  
রজনীগন্ধার মৃদু রূপ,  
দেউলের সন্ধ্যাময় ধূপ  
কল্যাণীর কল্পনায় নিত্যকাল রহিছে মগন ।  
( তার মাঝে স্তম্ভ নেই লোভ  
বসন্তের অশান্তির ক্ষোভ ? )  
আর জনা সন্ধ্যাসরে রানী  
বহুনিষ্ঠা প্রেমসৌ অপ্সরী ।  
খ'সে পড়া তারাদের চটুল সঙ্গীত,  
বিহঙ্গের গতির ইঙ্গিত  
দীপ্তি পায় মায়াবী সে তহুর মায়ায়—কেন নাহি জানি  
হৃদয় সে নির্মনন গতিচক্রতলে  
পলে পলে  
কত চিন্ত মরে হায় কত প্রাণ মৃগতৃফিকায় ।

তারা নাহি জানে  
 উর্বশীর প্রাণের গুহায়  
 স্তিমিত পীড়া কি গুপ্ত হায় !  
 মৃত্যুর রজনরশ্মি-দিব্যালোকে পুরুষহৃদয়  
 অবশেষে অপঘাতে এই সত্য মানে ।  
 কক্ষির পেয়ালা হাতে,  
 শহরের স্তব্ধ প্রাতে,  
 নিশ্বাস হৃদয়ে  
 বিযগ্ন আলোয় ব'সে বিহ্বল রাত্রির  
 স্মৃতি দেখি আর ভাবি মনে ;  
 কোন্ ক্ষণে  
 মননের সমুদ্রমহুনে  
 রূপ নেবে এক নারী  
 মনোময় প্রাণপদ্মে সংসারের কারা আর তপ্ত শয্যা ছাড়ি' ?

১৯৩২

## যযাতি

অনেক দিনের অনেক জ্ঞানের চরম ক্ষতি,  
অনেক পাপের পরম তাপের বিষম বোকা  
অনিকেত মনে যক্ষের কূট প্রশ্ন আনে ।  
ব্যাধভয়াহত, তাইতো পাহাড়ে আড়াল খোঁজা,  
প্রসার্পিনার মুঠিতেও তাই প্রণয়রতি  
পিছুসারস যযাতি-শিরার প্রবল গানে ।

বহুধরার অগ্নিউদরে লেগেছে দোলা,  
শতসপিল ধূমকেতু তার অঙ্গ টানে ।  
মরণ 'আহরি' আহারে বিবশ দিবসনিশা,  
অশনায়োগ্র ধমনীশিরার পরমতৃষা  
নিদ্রাহীনের রজনীতে চায় চরম ভোলা  
স্বাধুদাবদাহে যযাতি-শিরার প্রবল গানে ।

সঙ্কামগির সোনার খনিতে আগুন লাগে ।  
আকাশগঙ্গা পীতপিঙ্গল বালুকারেখা ।  
শনির কণিকা মারক-আথরে জীবনে হানে  
করোটীর কালি, করকোষ্ঠিতে ছিন্ন লেখা ।  
তাইতো হৃদয় নির্দয়লোভে তোমাকে মাগে  
নাটকীয় হুরে প্রলাপ-কম্প প্রবল গানে ।

১৯৩৫

## মন-দেওয়া-নেওয়া

ডলু যদি আজ ঝাকামি করে,—প্রায়ই করে,  
আগেকার মতো—তার মানে এই দুমাস আগের  
মতো আর মন বাহবা দেয় না।

প্রেম জিনিসটা কি নির্বোধের ?

দুমাস আগে এ করুণ চাউনি, পাণ্ডুর গাল,  
বহুভরা অশ্রুট ভাঙা  
লাগত ভালো !

তখনেই সেই অবস্থা নাকি প্রেমের বাসা ?

আসল কথাটা আমি যা বুঝি

প্রেম-ফ্রেম বাজে, আসলে আমরা নতুন খুঁজি।

নারীকে পুরুষ, পুরুষকে নারী তাইতো খোঁজে—

তার:ওপরততো সে জীবের ধর্ম উপরি আছে।

এরি নাম 'প্রেম'।

কিন্তু মানুষ কেমন ক'রে যে এইতে বাঁচে—

মানে, এই প্রেমে কাব্যি ক'রেই সারাটা জীবন কাটিয়ে যে দেয় !

আশ্চর্য না ?

এই ধরো—আমি, নবনীকান্ত—

দিব্যি মহৎজন্ম, দিব্যি ভালোই ছেলে—

অনেক মেয়েই চায় তো আমায় তাদের স্বামী।

ইতিমধ্যে যে গোল পাকিয়েছি—

ডলু—মানে এই মৈত্রেয়ী ঘোষ নান্নী মেয়ের

প্রেমে প'ড়ে গিয়ে !

কাবির ঘোরে কত উচ্ছ্বাস ঐ বেচারার গলায়-গালে—  
 ছুহাতে বাহুতে বুক আর ঠোঁটে তার দিয়েছি ।  
 ডলু যদি সেটা—চিত্তগুপ্ত যেমন করে—  
 সব কর্মের হিসেব-নিকেশ চুলচেরা ভাবে খাতায় ধরে ;  
 ডলু যদি এই প্রেমের বিষয়ে সে-রকম ভাব মাথায় ভরে ?  
 বিহিত কি তার ?  
 কীই যে করি ।

অমল মোহিত ইত্যাদিকে তো এগিয়ে দিলুম—  
 “ডলু যে তোমার খোঁজ করে ওহে ।”  
 কতটা আশাই না করেছিলুম ।

হল না কিছুই ।  
 আই-সি-এস-ও অকাতরে ডলু ফেলেই দিল ।  
 ( মেয়েরা কি বোকা ! )  
 আর সেই দিনই দুপুর বেলায়  
 বাস-এ ক’রে ডলু এই এইখানে  
 আমার এ-ঘরে চলে এসেছিল ।  
 সে-কথা যাক, তা ঝগটা হচ্ছে  
 কেমন ক’রে  
 ডলুর কঠিন করণার হাত এড়ানো যায় ?  
 তা অবশ্য কোনো গোল না ক’রে—  
 তা না তো আবার স্ব্যাঙালে দুই কান বেচারিরা যাবে যে ভ’রে

মহা মুশকিল ।  
 ঝগড়া করতে গেলেও ডলুর প্রেমই জাগে ।



আমি যদি খুব সাবধানে কোনো আভাস তুলি—  
 ডলুর দোষ যে আমার কেমন বিশিষ্ট লাগে ।  
 আশা করি ডলু চটবে, কিন্তু সে চটে নাকো !  
 হয়তো বা বলে, “ও দোষ যে আছে, আমি তা মানি,  
 তাই ব’লে চুমো খাবে না আমাকে ?  
 —তোমার ও-মুখ এখানে রাখো ।”

কিন্তু ডলুর দেহ ও মনের মিলিগলি গত সবই জানা,  
 ( আগেই বলেছি, অজানাই হল প্রেমের নানা,  
 শারীর মানস, ভাবের বাণী )  
 ডলুর মনের ঢাকামি পাকামি সবই জানি,  
 ডলুর স্ত্রী দেহের অনেক খোঁজও দিয়েছে  
 ডলুই নিজে ।  
 এমন কি সেই আঁচলটা—তা-ও !  
 সেটাও জানি ।  
 নতুন তো নেই কিছুই ! এখন করব কি যে !  
 করব কি যে ?  
 বেজায় ক্লান্ত, শ্রান্ত লাগে !—  
 কিন্তু ডলুর সমস্তার এই সমাবান আর  
 পাব না কি আমি  
 জীবনের শেষ দিনের আগে ?  
 ক্লান্ত লাগে ।

১৯২৬

## অপস্মার

কবে ভেসে যাবে সখিৎ  
স্মরণের নীল পরপার !  
হতোহস্মি হবে জয়গান !  
ডুববে অহম্ কশিৎ !  
দুর্গম দিন, ক্ষুধার  
রাত্রিও হবে ক্ষীয়মান !

খুঁজে মেলেনিকো ইশারা ;  
ডাকঘরে নেই ঠিকানা  
চিঠি নেই ; দিবানিশারা—  
ভ্রমলোচন তুষারা  
ভবঘুরে ঘোরে বেগানা ;  
পালায় পিশাচ ইশারা !

হৃদয়ে তোমার জাগে ভয় ?  
মরণের ভয়, জীবনের,  
বিপুল বিদেশী বিশ্বের ?  
ব্যর্থ মান্নির পরাজয় ?  
ধিকার জালা দাহনের  
ত্যক্ত সমাজনিঃশ্বের ?

কোনো গোরোচনা গোরী কি  
বাঁধেনি চরণে পরাণে ?  
শোনোনি কি ঘুমপাড়ানি  
জ্বরংকারীর শিখানে ?

হিংস্র অভাব হরি' কি  
আলাদিন দ্বীপ জ্বালেনি ?

কোনো বিচিত্রবীর্য কি  
পূর্বজ্ঞ কোনো দশরথ  
রাজযক্ষ্মার ক্ষয়ভার  
জায়ুজ্ঞ ব্রণের ক্ষয়পথ,  
দায়ভাগে নির্লজ্জ কি  
রেখে গেছে পিছে উপহার ?

তাই কি গুমের নীলিমা  
বৈতরণীতে চেয়েছ ?  
পলে পলে প্রাণ-পরাভব ?  
মরীচিকা-ফাঁকা ত্রিসীমা ?  
তাই কি রক্তে চেয়েছ  
রসাতলব্যাপী নীল হিম  
অপস্মারেরই বিপ্লব ?

১৯৩৩

## দ্বিধা-দম্পতি

মনাস্তরে বাস করি বটে, মনাস্তরের কোনো  
হয়নিকো অবকাশ ।  
সূর্যগ্রহণ নিত্যঘটনা যে শীত কঠিন লোকে  
আমাদের সেথা সূচ্যগ্রক বাস ।  
শহরের ভিড়ে হাড়ে হাড়ে চেনা পালাড়ী হাওয়ায় রোজ  
শেষ করি প্রত্যহ,  
আমাদের ঘিরে তহুমানসার ছুরস্ত জীবগুরা  
মরিয়া সাহসে বুবে মরে অহরহ ।  
অবসর হয় আমাদের কাছে বিলাসী দ্বিধাঘিত,  
কীর্তিও পায় ভয়,  
অস্তুরঙ্গ অবসাদ শুধু আমাদের পাশে ঘেঁষে,  
আমাদের কাজ ছোট জয়পরাজয় ।  
মৃত্যু দিয়েছে আমার হৃদয়ে মৈত্রীর বিঘটিকা  
উদ্ধত উজ্জ্বল ।  
ছিন্ন ভিন্ন চাঁদের আলোতে নিদ্রার অধিকার  
আমাদের রাত ক'রে দেয় সমতল ।  
কেটে যায় দিন, জীবনযাত্রা মুখর ইতরতায়—  
কম্প কোটরে বাস ।  
উলুপী আমার । তোমার হৃদয়ে আত্মদানের ভিড়ে  
মনাস্তরের মোটে নেই অবকাশ ।

যেদিন তুমি স্বপ্ন ছিলে, সেই দিনে খুঁজি সাধুনা ।

তুমি বলো, “তোমার লাজ্জনা আমার বৈতরণী, তোমার নরক  
আমারও যন্ত্রণা,—আমার স্বর্গ তবু তোমার নয় ?”

সভ্যতার শাস্তি তোমার স্নায়ুতে—তার শ্রাস্তিও, হয়তো বা তার ভয় ?

জানি তুমি দ্বীপটি নও—তবু সাধুর মুক্তি ছড়াও চোখে । তারা  
বলেছিল, “মৃত্যু তোমার মরণ হল, ভয়ের হল পরাজয় ।” তোমায় দেখে  
বুঝব কি সেই কথা ? নীরবতায় মানবমনের জয় ?

তোমার প্রেমের সঙ্ক্যাছায়ায় আলো কোথায় ? প্লেটোর পেশীর  
মাঠে তো নেই পাশে । ক্রিষ্টিয়ানের মৈত্রী তুমি ছড়াতে যাও,  
বর্তমানের স্বপ্নভঙ্গে, ভবিষ্যতের পারিজাতের দীপ্তে । বিশ্বপ্রেমিক, বাতির  
পাশেই কালোর খেলা, চারপাশে তার আলো ।

আমায় তুমি নিলে, যেন স্বরঙ্গমার রঙীন বিশ্ব মুছে দিয়েই নিলে

তোমার দাব

পিতৃকালের বাড়িদল তোমার স্বভাবেই—এ কৈলাসে কেমনত্রো  
হালচাল যে ভাবি ।

অস্তি-নেতির সেতুর পারে অন্ধকারের কোথায় সীমা ? নীরবতার  
কোথায় টানবে দাঁড়ি ? এ অপেক্ষা সহিষ্ণুতায় চলবে কতকাল ? থামবে সে  
কোন্ সময়ে ? আদিমকালের সোনার স্বপ্নে, ভবিষ্যতের যবন প্লাটিনমে ?

আমি নয় তো, ওরা সবাই ভাবছে তোমায় কি ? যেদিন তুমি  
স্বপ্ন ছিল, সেইদিনে কোথা সাধুনা ।

## বেকারবিহঙ্গ

অস্তাচলের আঁধারেই কিবা আশা ?  
এ মরা শহরে নীড়সন্ধানী মন  
হারাল চতুর উভচর দিশা তার ।  
চিরকাল কাকতালীয়ের যাওয়া-আসা ।  
কোন প্রারন্ধে করেছে সমর্পণ  
বহুভাঙা ত্রিশঙ্কু তার ভার ।

জানি লক্ষ্মীর বসতি বাণিজ্যেই,  
সেই সাধনায় মেনেছি সত্য তার ।  
সরস্বতীর পঙ্কজে লাগে কাঁটা ।  
বিরাট বিশ্ব কবে হারিয়েছে থেই—  
তবু হায় নেই হাতের নাগালে ডাঁটা  
নীলোৎপলের -অনঙ্গ অববাব ।

কৈশোরে ছিল ধর্মঘটের শয়,  
যৌবনে নয় মাটির, বেরানীও ।  
বাস্তবঘুরেই অম্বদাস মার ।  
মুকুবি নেই, গ্রামা যে উমেদাব ।  
এদিকে শরীর মন হল বরণীয়,  
বসন্ত আসে, পাত্রী যে কেউ হোক ।

অতএব, মেসে কাটাও তক্তাপোশে  
দৈনিকে দেখ কাজ খালি কোথা ক'বে,  
খেলার নেশায় ভিড় ভাঙো মাঠ চ'বে,

আর দেখে র'সে সিনেমার পোস্টার,  
এলবার্ট হলে তারপরে শোনো ব'সে  
ঘোলা ইতিহাসে নানাঘাটে উদ্ধার ।

তারপরে যদি ক্লান্তিই বাধে বাসা,  
রেডিওসচল ধোঁয়ায় আকাশ ঢাকা,  
পাগুর চাদে নিভে যায় নব আশা—  
তবু হে কুমার খেলো না শকুনি-পাশা  
ইতিহ-ভাগ্য জড়াক্‌না নাগপাশে—  
তবু বিহঙ্গ, ওরে বিহঙ্গ মোর  
কোরো না অঙ্ক বন্ধ জটায়ুপাখা ।

১৯৩৪

## প্রথম পার্টি

সুধালাম, রবে এই ঘরে ?

এই ভিড়ে ? সুরেশের সুরণের অল্লীল নিঃশ্বাসে

ভারাক্রান্ত হাওয়া দেখ । কঠিন দেয়াল

কাঁপে দেখ অলকার অস্থির উচ্ছ্বাসে ।

তোমার শরীর শ্রম তরুণ তমাল

এখানে শুকিয়ে যাবে সুরণের সুরেশের কদর্য নিঃশ্বাসে ।

বাগানে কি যাবে ?

কি হবে এ ঘরে ?—

পিককণ্ঠী শমিতার বাগ্মীতার ভিড় ভেঙে

সুধালাম তাকে মৃদুস্বরে ।

নাগরী সে নারী,

কেন তার চোখে এল অরণ্যের ভয় ?

কুমারীর চোখে কেন এল ভয় আদিমকালের,

আমার টেবিলে এল কেন এ সংশয় ?

ভাবল আমায় কেন অসভ্য বর্বর

রুঢ় ছঃশাসন ?

প্রশান্ত নির্জন

বাগানের শীতল হাওয়ায়,

আকাশের নক্ষত্রসভায়

স্বপননা তার কেন উঠে যেতে হল অত ভয় ?

তবু তাকে লেগেছে তো ভালো ।

যদিচ নয়নে তার জ্বলনিকো মণিবার আলো,



যদিচ শরীর তার গড়েনিকো গ্রীসের ভাস্কর,  
তবু ভালো, তবু তাকে লেগেছে তো ভালো ।

অনিরুদ্ধ রায়,  
বেশেকেশে চেহারায়  
বন্ধুত্বের আনন্দের  
ল্যাভেণ্ডার স্নগন্ধের স্বাচ্ছন্দ্য ছড়ায় ।  
আমার বন্ধুব হায় লাগেনি যে ভালো,  
পৌছিয়ে দিলে না বাড়ি উৎসবের শেষে,  
লজ্জিত, দুঃখিত আমি । দুর্ভাগ্য আমার ।  
হবিবুর খাঁর  
স্বরদ-নিরঞ্জনত্ব তবুও আমায় করেছে শীতল ।  
তবুও আমার লেগেছে তা ভালো  
বন্ধুকে আমার ।  
লেগেছে তা ভালো  
নতোনীল-বেশিনীর কেশবেশ শরীরের  
মোলায়েম আবিষ্ট সুবাস ।

জীর্ণ গৃহ, বুদ্ধিজীবী, নেই অলঙ্কার,  
নেই সজ্জা, প্রাচুর্য-সম্ভাব ।  
ম্যাকেন্জি-লায়ালে আর লাজারসে নেই কারবার ।  
বন্ধুর আমার কিবা অপরাধ ?  
উদ্ধত ব্যঙ্গের রঙে মুখ চোখ করিনি রঙীন,  
স্বার্থপর মূর্থতায় উর্ধ্বশ্বাসে ছুটে আজও দিন  
আমার নিঃশেষ নয় ব্যাঙ্কের খাতার তলায় ।  
মরিয়া লিবিডো আজও কাউন্সিলের প্রবল গলায়

ওড়েনি, ওড়েনি আজও কঠিন সঙ্গীন  
 সর্বকামপরিতাগী কর্পোরেশনের বৃহদ্বারে ।  
 খেলার মাঠে বা রেসে, সিনেমার বারে,  
 হাইকোর্টে শেয়ার-বাজারে  
 দেখাশোনা হয়নাকো বুঝি বারেবারে ।  
 মাহুষের শানে আজও করিনিকো নিজেকে ধারালো  
 তবু সখা, স্তম্ভাম স্তবেশ তুমি, তোমাকে লেগেছে জেনো সত্যই ভালো ।

বিদ্যাদেবী আব্বাজুরী স্থূল অধ্যাপক ;  
 বুদ্ধিদেবী উদ্ধত শিক্ষক ;  
 কুটিল, সংসারী নারী ; লোলচিত্ত বকুরা যাদের,  
 দ্বিপ্রহর ঘুমে কাটে, পরস্পে যাদের  
 স্মৃত্তচিহ্ন স্মৃতি ঘাড়,  
 ব্যথিত বঞ্চক আর সাহিত্যের নেশাপেশাদার,  
 চিত্রকর, ফিল্মস্টার, নবা ব্যারিস্টার  
 সবই আজ ভালো সবই ভালো ।  
 সমস্ত পৃথিবী আজ আকাশবাতাস  
 আমার সমগ্র মন, প্রতি স্নানুশিরা  
 শহরের উপকণ্ঠে জ্বলে অন্তহীন দূর আকাশের নীলে  
 কোলাহলহীন কোন্ অলৌকিক দেয়ালির আলো ।

এই শুধু এই মনে হয়,  
 আমার আনন্দরাশি, মৈত্রী, ভালো লাগা,  
 এ আমার কাপুরুষতার প্রাণহীন গৃঢ় ছদ্মবেশ ?  
 ছিন্নহস্ত অহিংসার বৃহন্নলারূপ ?

সত্যই কি পৃথিবীর আনন্দমহন,  
বাইশটি বসন্তের সঞ্চিত সঙ্গীত  
আমার স্নায়ুতে এসে কাঁপে থরোথরো  
দুয়ারে প্রতীক্ষারত উত্তত ট্যান্ডির মতো ?

১৯২৮

## মহাশ্বেতা

নয়নে তোমার মদিরেক্ষণ মায়া ।  
স্তনচূড়া দিল ক্ষীণ কটিতটে ছায়া ।  
স্বপ্ন-সারথি, তোরণ কি যায় দেখা ?  
অমরলোকের ইশারা তোমার চোখে,  
ক্রান্তিবলয় মিলায় স্নেহলোকে ।  
আজ কি আমাকে ভুলেছ মহাশ্বেতা ?

অমৃতের ঝারি মন্দির ঐষ্ঠাধরে  
স্মৃতি-বিস্মৃতি শরতের ধারা ঝরে ।  
আজ কি আমাকে ভুলেছ মহাশ্বেতা ?  
শরীরে তোমার হিমাগরি করে গান ।  
অচ্ছাদনীরে করো তুমি যেই স্নান  
স্বপ্নবাণীতে শিহরায় ক্রন্দসী ।

ভাস্বর তব তনুতে অমৃত জ্যোতি,  
প্রাণ-সূর্যের এবাস্ত সংহতি ।  
ক্রান্তিবলয়ে শিহরায় ক্রন্দসী ।  
উত্তর করে মুদ্রিত বরাভয়,  
তামসীকে করো খণ্ডন, করো জয় ।  
স্বপ্নসারথি, তোরণ কি যায় দেখা ?

পশ্চাতে ধায় মরণ-চাঁদের আলো  
দিগন্তফণা, তুহিন, পাণ্ডু, কালো ।  
বিস্মরণীর বালুতীর যায় দেখা ?

হে বীর অতনু, নাচিকেত ধনু টানো,  
দেহদুর্গের রক্ষায় মোরে আনো —  
তোমার প্রাকৃত বাহতে, মহাশ্বেতা ।

১৯৩৫

## শিখণ্ডীর গান

দেবু ঠাং

সভার মাঝে বহুলোকের ভিড়ে  
তোমার মুখ ভাসল মোর চোখে ।  
একটি কথা বললে তুমি ধীরে  
সভার মাঝে বহুলোকের ভিড়ে ।  
একটু হাসি পাগু মুখটিরে  
কি রূপ দিল অল্পপম এ লোকে !  
সভার মাঝে বহুলোকের ভিড়ে  
তোমার মুখ ভাসল মোর চোখে ।

ডিমের মতো, পাগু তব মুখে  
কি কথা পাই ? নাই বা হল ভাষা ।  
হঠাৎ মন কি জানি কিবা স্মৃখে  
ডিমের মতো, পাগু তব মুখে  
সে কাকে পেয়ে নিরালা কৌতুকে  
তোমাকে চায়—এ নয় ভালোবাসা ।

বললে তুমি—বললে তুমি কি যে !  
আবহাওয়া নিয়ে ভাবনাহীন কথা—  
দিনটা আজ নরম মেঘে ভিজে,  
বললে তুমি, বললে তুমি কি যে !  
এই তো কথা, ভাসিয়ে দিই নিজে  
আবেশ-বশে, কথায় মাদকতা !

সে রেশ কানে এখনো বাসা বেঁধে,  
 সে মুখ চোখে এখনো ভেসে যায় ।  
 মিসেস রায় ! কি গোল গেল বেধে ।  
 সে রেশ কানে এখনো বাসা বেঁধে,  
 তাই তো চেয়েছিলুম এক জেদে —  
 অবোধ ভেবে গেলে যে চ'লে.হায় ।

তাকিয়ে দেখা—এই কি দোষ হয় ?  
 শিল্প শুধু শিল্প শুধু দায়ী ।  
 শিল্পভাবে—মুখ কি দুখে ছায়  
 তাকিয়ে দেখা—এই কি দোষ হয় ?  
 মুখের ছাঁচ বতিচেলি প্রায় ।  
 প্রেমে পতন ছাড়া কি কিছু নাই ?

কামারাদেবি

শীতের হাওয়ায় থরোথরো প্রিয় শরীর কাঁপে ।  
 শালটা আমার শালীনতা পেল তোমার গায়ে ।  
 মোটরের খোপে শীতের বাতাস—সে কার শাপে !  
 শীতের হাওয়ায় থরোথরো প্রিয় শরীর কাঁপে ।  
 —তুমি যে কাঁপবে—তোমার এ কথা খুশিতে ছাপে  
 তাই আঁধা আঁধি দৌঁছে জড়ালুম সন্ধ্যাছায়ে ।

প্রকৃতির ছায়ে বনভোজন

যদিচ মামুলি—তবুও ট্রেনে

মিলব উভয়ে—কি বলো তুমি ?  
মা-কে তো ভোলাবে বুলাকে এনে ?  
যদিচ মামুলি—তবুও ট্রেনে  
বুলার টিকিট আমিই টেনে  
বসব উভয়ে—কি বলো স্থমি ?

কথকতা

ভস্ম অপমানশয্যা ছেড়ে, পুষ্পধনু !  
দিকে দিকে ঘুরে বেড়াও ডন্‌জুয়ানের বেশে ।  
গন্ধমাদন এনে দিলে বুথায় কে সে হনু ?  
হে অতনু, তত্ত্ববিহীন বেড়াও দেশে দেশে ।

ডন্‌জুয়ানও গিয়েছে ম'রে হল অনেকদিন  
উপবাহ সেকালের সে তপস্বীদের সাথে ।  
মরেছে বটে—স্বর্গ তথা নরকও নারীহীন  
( শাস্ত্রে বলে )—ডনের নেই শাস্তি আত্মাতে ।

ডনের প্রেত শরীরহীন ঘুরে বেড়ায় আজও  
ভ্রমিৎকমে—হে অতনু ! বীরতনুতে সাজে ।

এটাক্সিয়া

বাসো নাকো ভালো ! ? নাই বা বাসলে, অলকা বসু,  
তোমার চোখের ধূসর চাওয়ায়, স্থল কেশে,  
তোমার ভূষারে সন্ধ্যার মেঘাচ্ছটানো রঙে,



তোমার দীর্ঘ স্মৃতিশীল শরীরে, পাংলা ঠোঁটে,  
লালের আমেজে শাড়ি জড়ানোর হালকা ঢঙে,  
তোমার শাণিত মুখের ভাষায়, সাবেকৌ ভীক  
হৃদয়ের ভয়ে, গত শতকের স্বাধীনভাবে

—সবেতে তোমার—মানি, শেরি, মানি—মুগ্ধই হই।  
কিন্তু আমি যে শ্রান্ত বড়ই ক্রান্ত বড়,  
কার্নিভাল্ এ জীবনে আমার খুম পায় আজ।  
মন যে আমার জীবনের ট্রেনে আগামী দিকে,  
দেয়ালি-ভ্রান্ত হাঁ ক’রে দাঁড়াব, সময় কোথা ?  
সে শিখা অথবা সাব্‌লিমেশনে দেয়ালি প্রেমে,  
সে খেলারই শুধু ছদ্মবেশ যা, তোমার শিখা  
এ ফুলঝুরির স্ততি করি, তার সময় কোথা ?

জীবনের পীচে পাই নাকো স্বাদ, প্রেমে অবসাদ।  
তোমায় স্ততির, পাশে পাশে সদা ঘোরবার মন  
হারিয়েছি কবে ? কিশোর বয়স কেটেছে যবে ?  
সময় ও মনও প্রেম করবার নেই আর হয় !  
ভালোবাসোনাকো ? নাই বা বাসলে, অলকা বস্তু !

সেকালের শেরি, বেচারি বোঝে না কামারাদেবি।

রিফ্রেক্স

ভয়চকিতা হরিণী হোয়োনাকো  
মনের কথা বললে পরে আমি।

মামূলি ঢং কণেক ভুলে থাকো,  
 ভয়চকিতা হরিণী হোয়োনাকো,  
 মিনতি করি, কথা আমার রাখো ;  
 আলাপ করো, নাই হলুম স্বামী ।

কথকতা

‘—’Tis not a game that plays at mates and mating, Provence  
 knew—’

‘—Piere Vidal, the fool par excellence of all Provence, of  
 whom the tale tells how he ran mad, as a wolf, because of his  
 love for Loba of Penautier, and how men hunted him with  
 dogs through the mountains of Cabaret and brought him for  
 dead to the dwelling of this Loba—’

Ezra Pound

গ্রেটো তো পড়েছি, তবু  
 বুঝিনিকো সুরেশের—  
 মানস জীবন ।  
 সে কি খুঁজে খুঁজে ফেরে  
 এ শহরে  
 খোঁপার ছায়ায়  
 কেশগুষ্ঠ কানে কানে  
 চুড়ির নিকণে  
 অঙ্ককার প্রেক্ষাগৃহে, হাতে হাত ভিড়ে  
 ডিয়োটিমা ? সক্রাটিস্ খুঁজেছে যেমন ?  
 কি বলেন বট্টাণ্ড্ রসেল ?  
 মার্কিনী বেন্ লিন্সে বা ?

ছিল দুই কবি, দুই ( যতদূর জানি

প্রকাশ্যে ) কুমার—

ওঅর্ডস্ওঅর্থ আর কোল্‌রিজ্

তাদের বাঁচাল, পথ দেখাল যেজন

অষ্টাদশ শতকের ক্লেশসিক্ত বৃন্দোজার, বিপ্লবের

ব্যাপ্তবীজ দাবদাহ থেকে,

জাগ্রত নয়ন, মন প্রজ্ঞাশুকুমার,

নাম তার—

শ্লেগেল হেগেল নয়,

ডরথিই নাম জানি তার ।

ডরথি যে নেই এই লিলি রমা অলকার ভিড়ে,

গ্রামোফোন-সঙ্গীতের ইন্দ্রজালে বিচিত্র সন্ধ্যায়,

গোধূলি-মায়ায় মুগ্ধ মোটরের সীটে,

চুপন গাড়নার স্রাবায়ু সিনেমায়

মেলে নাকো ডিয়োটমা, তার কিছু আছে কি প্রমাণ ?

অফিস-প্রহরে শুক্ক বিজন দুপুরে

নিরালা সোফায় তার লোটায় না রঙীন আঁচল

একথা বলা কি যায় গীতা ছুঁয়ে ছোরে ?

তাই

যদি সুরেশের মন ভিদালের মতো সদা ঘোরে

আধুনিক ভিদালের দীপ্তিহীন কাব্যহারা একাদিক নিষ্ঠার পিছনে

আধুনিক বাঙালী শহরে—

সুরেশের অন্তর ক্ষয়ের ধরন

তাই

সুরেশের মানস জীবন ।

তোমার মিতালি মিলাও, গ্রহেরা করুক গান।

হারিয়েট নও, তুমি প্রাণশিখা, হে এমিলিয়া।

মিলাও মিলাও অল্পজান ও বাপজান।

তোমার মিতালি মিলাক, গ্রহেরা করুক গান।

ক্ষত বিশ্বকে করুক শান্তিসলিল দান,

ধনী-শ্রমিকের সমস্তাদাহ এ মরমিয়া

মিতালি মিলাক, অহুরা ধরুক ঐকতান

হারিয়েট নও, তুমি প্রাণশিখা, হে এমিলিয়া।

কথকতা

গুরে যাত্রী, গেছে কেটে যাক্ কেটে পুরাতন রাত্রি।

কারণ

যে প্রাচীরে উঠেছিল ছেলেন, সে প্রাচীর তো ধূলিমাং কোন্ কালে ধূলায়

ধূলায়। অরফিউস্ ফিরে গেছে বাঁচা গেছে গীতশূণ্য বৈতরণী তারে পুনরায়।

পেনেলোপি লুপ্ত হল কবেকার ভগোলেব কোন্ ইথাকায়।

সেকালের প্রেমগাথা জীবনমরণে গাথা মত্ত ঝঙ্কা-রাশি। দুর্গম তাদের

যাত্রা সংক্ষেপ জানে না, মাত্রা মানে না, তাদের হাসি যুহু নয়, বর্বরের হাসি।

ক্রন্থিস্টের স্বেচ্ছাচিত্র বয়ে আনে অলকায় অস্তিম গোধূলি।

ভাল্‌হালায় লেগে গেল কঙ্কিজালাদাবদাহ, ক্রন্থিস্টের বিরিক্ত অধূলি।

সর্বভূকে শেষ হল বেশ হল সীম্‌ফ্রোডের দেবদেবীগুলি।

সেকালের প্রেমগাথা রক্তাক্ত সঙ্কায় গাথা চিত্তঝঙ্কা-রাশি।

ক্রন্থিস্টের আর্তনাদ—বিধাতাকে ধন্যবাদ ! আজকাল হয়ে গেছে বাসি।

কারণ

সেকালের চিত্তবল্লা সেকালের স্থলপেশীস্নায়ুরই পোষাত ।

আমরা জেনেছি শাঁস অন্তসার । ও অসার ভয়াবহ আলোড়ন ছিবড়ে খোসা তো ।

পালোয়ানি ছেড়ে তাই মৃজাপুরী ধুলোকাদা শ্রানিটারি বাধরুমে ধুয়ে,  
—হাত পা ভাঙে না, ঘরে ভদ্রগোপনও বটে, ধুলোটুকু উড়ে যায় ফুঁয়ে—  
গোবর গুহকে ছেড়ে শ্রাণ্ডকে ধরি তাই, প্রগতিক জানাই প্রণাম ।  
গ্যায়টে বলেছে নাকি মানবতা লাভে সেরা শটকাট্ হৃদয়ের শ্রাণ্ড-ব্যায়াম ?

অথবা শোনো—

মাহুষ যে পশু, প্রমাণ তার  
আহার তার ।  
মুখব্যাদান, দন্তবিকাশ, চর্বণ, ঠোঁটে হাতে মাখামাখি,  
অজীর্ণতা  
ইত্যাদি সব কী দারণ রুঢ় বর্বরতা !  
জীনস্, স্টোপ্‌স্, লর্ড রসেল্, হাকিম লিন্‌সে, কুয়ে !  
ধন্য হয়েছে বিজ্ঞান আজ আমাদের কাল ।  
জীবযাত্রার যুগ কেটে গেছে  
তোমাদের এক মিলিত ফুঁয়ে ।  
গ্লুকোজ রয়েছে নব্য স্থষ্ট নিরাপদ ভোজ—  
হুরেশ শোষণ করে তাই রোজ ?

পঞ্চশরে দগ্ধ ক'রে করেছ একি সন্ন্যাসী  
বিশ্বময় চলেছে তার ভোজ !  
মরমিয়া স্বগন্ধ তার বাতাসে উঠে প্রাণাসি',  
হুরেশ শুধু থায় দেখি গ্লুকোজ !

## All Passion Spent

শোনো কাছে শোনো । কানে কানে কথা বলি,  
আবণ দিনের ঘন সন্ধ্যার মেঘ ।  
দিনগুলি যায় ক্রান্তিতে উচ্ছলি,  
শোনো কাছে শোনো, কানে কানে কথা বলি,  
হৃদয় যে হল মেঘ জগতের গলি  
সে মেঘ কি নেবে, সহচর সে আবেগ ?

১৯৩৩

## আত্মদান

আকাশের আমন্ত্রণে গরুড় বুঝি ছিঁড়ল পাহাড়।

ক্লান্ত ঋজু পাথরে স্তব্ধ উৎসর্গিত গতি

মাটিকে ছেড়ে ওড়বার।

পাহাড়কে করে আঁবশ্রাম আবেগে আঘাত

তরঙ্গ-চঞ্চল নীলা— পাহাড়কে বাঁধে বাহিতে, সাধনা-সম্পাত

তপোভঙ্গ ! অঙ্গরা সাগর।

মেনকার কুচ্ছাকর্ষ। যৌবনের ক্ষিপ্ত নীল লীলা!

পাহাড় টলল বুঝি। সাগরেই নৃত্যময় শিলা।

ঋগ্বেদ হল বুঝি নত,

রাত্রি হল উৎসবজাগর।

১২৩১

## নিব্ব'রের স্বপ্নভঙ্গ

সে কথা তো জানি তোমাতে আমার মুক্তি নেই ;  
তবু বারে বারে তোমারই উঠানে যাওয়া আসা ।  
আত্মীয়া নও, সমাজের ইকরাব-নামার  
কন্ধিনকালে বাঁধা হয়নিকো তাই বাসা ।

তোমাতে আমার স্বর্গ তো নেই, সে দুরাশা  
মর্ত্যজীবীর মননে বুকেছি হাড়ে হাড়েই ।  
তুমি যেন টিম্বকুট ও আমি হিম লাসা,  
তবু পাশাপাশি কোন্ আশ্বাসে সঙ্গ নিই ?

উৎরাইপথে নেল না উভয় পদক্ষেপ,  
কাব্যলক্ষ্মী । এ পাণিদানের অর্থ নেই ।  
সপ্তপদীর ঐতিহ্যেব মুখোশে তাই  
হৃদয়দানের গুর ভেঁজে যাই অভ্যাসেই ।

সভ্য তো বটে, শরীরধর্ম লোপাট আজ ।  
আদিম ন্যায়ুর প্রতিক্রিয়ায় মুক্তি নেই ।  
তবুও তোমাকে খুঁজে ফিরি দেখ কলকাতায় ।  
বিজর্ভব্যাক্তে কেন যে তোমার চুক্তি নেই ।



## উদ্মনা

(প্রসাদ মুখোপাধ্যায়-কে)

তুষারতুঙ্গ প্রেমের শিখরে প্রলয়ঙ্কর বান ।

অভ্রলিংহ ঢেউএ

নিমেষে মুছে দিয়ে যায় ।

আজ বুঝি হল প্রপঞ্চলয়

শিখর হল শ্মশান,

গৌরীশৃঙ্গ অধ্যাস মরোচিকা !

একাগ্রনিষ্ঠা কি শেষে হল

অলৌকশশবিবাহ ?

উপমায় ঢেউ লাগে ।

স্নায়ুর পথে ঘুলিয়ে যায়—শেফপীরের মতো,

( কালিদাস তো নয়কো তোমার মিতা ) ।

উপসাগরের জোয়ার মেশে

থেকে থেকে উপকূলের উপল-উষর ভাঁটায় ।

জোয়ার-পূর্ণিমা আমার ! একা তোমার রাগ !

আমার হৃদয় তোমার চোখে, তোমার মুখে,

বক্ষনোড়ে, স্বল্প হাতের কনকটাপা মুঠোয় ।

কখনো যদি তাকিয়ে দেখি অমাবস্তার পরিপূর্ণ নেতি

চাপার পাতা-ফাঁকে—

বিষয়ী মন ! ঘরণী মন !

( যদিও আজও বাঁধোনি হায় আমার কুঁড়ে ঘর )

একী তোমার নাটুকে ঝড়  
চীনেমাটির চায়ের কেংলিতেই !

কবির ভাষায় জানো আমার জবাবদিহি আছে  
রে মোহিনী, রে নিষ্ঠুরা, ওরে রক্তলোভাতুরা  
কাঠোর স্বামিনী,  
দিন মোর দিহু তোরে, শেষে নিতে ঢাস হ'রে  
আমার স্বামিনী !

কিন্তু আমার মন যে উদাস,  
মাথুর তো নয়, শিথিল-পেশী ।  
গড়েই তাই বলি—  
বিকল্প এ নয় গো প্রিয়া নয় ।  
তোমারই প্রেম থরোথরো  
আমার প্রেমের তপশ্চারী একটিমাত্র চূড়ায়,  
দ্বৈতজনের ছায়াও আমি মাড়াই নে কো,  
দ্বৈতাদ্বৈতে দোহুলদোলা স্বভাববিপরীতই ।  
একাধিকের সম্ভাবনা তোমার মনেই,  
আদিম নারীর স্বত্বজমির চাষে ।

উন্মনা আজ ? মানি ।  
কিন্তু বলি শোনো  
তার পিছনে আদি-অস্ত নেই ।  
এ প্রসঙ্গে  
কুণ্ঠিআনের অনুশাসন মাথায় করেই আছি ।  
প্রতিবেশীর পাশ ঘেঁষিনে ।

তুমিই হলে আমার ইতিহাস ।  
বিশ্বকোষ মহাকোষ তুমিই আমার বিশ্বপরিক্রমা ।  
কৈবল্যের প্রথম ও শেষ সিঁড়ি ।

ইমার্জেন্ট এ উদাস গ্রহর কূটতথ্য নয় ।  
স্বয়ম্ভূত বা কেমন করে বলি ?  
নতুন হরের আলাপ তো নেই,  
ধারাবাহিক রেশেই মৃদু যতি ।  
ক্ষণিক অসংবেদন শুধু, সর্বনাশা অস্মার তো নয় ।  
পেশীসারভঙ্গ শুধু, মনেপ্রাণে অচল নির্ভা  
পৃষ্ঠার আসন যথাস্থানেই পাতা ।

সংস্থিতিতে ভাঙন যদি ধরত, তবে  
কবির ভাষায় শুনিয়ে দিতুম জবাবদিহি  
আবেগকম্প মিথি মন্দ মেঘমজুরবে ।  
ক্ষণিক ভাঁটার টানে শুধু উন্মনা মন  
অন্ততঃ কে জানে কার গানে ।

গল্প কথা : প্রেমের ছায় কাকতালীয়ই,  
এ সত্যটি জেনো ।  
মন-দেওয়া-নেওয়া অনেক করিনি,  
তবু বলি এটা মেনো ।  
এই নিবেদন করি পুণিমা ।  
বিদগ্ধ, লঘু, উন্মনা এই  
জ্যাহীন, ঢিলে, শোবার-পোশাক গড়কবিতায় ।

১৯৩৪

## টপ্পা-ঠংরি

(শ্রীসমর সেন-কে)

তোমার পোস্টকার্ড এল,  
যেন ছড়টানা লয়ে  
পিদ্বিসিকাতোর আকস্মিক ঘূর্ণী,  
রেডিওর ঐকতানে বিস্থিত আবেগ ।

দিন কাটল

যেন জিল্‌হাবিলসিতে ।  
গানের কলির অলিতে গলিতে  
বাস্ গেল, ক্লাস্ গেল কালের জয়যাত্রায় কেটে ।  
জাঁদরেল প্রফেসরের মাথায় নামল  
ব্যঙ্গাতীত ক্ষমার আকাশে প্রথম কবনার আশীর্বাদ ।  
কাবাই হল কবণা ; করণায় কাব্য  
সেইদিন প্রথম ।

নামল সন্ধ্যা,

সূর্যদেব, এখানে নামল সন্ধ্যা,  
পিলু বারোয়ার সন্ধ্যা,  
কবিতার সন্ধ্যা ।

একাকার এই স্নান মায়ায়

জাগরহৃদয়ের গোধূলিলগ্নে  
শুধু নীলাভ একটু আলো এল

তোমার পোস্টকার্ড,  
আর এল তোমার ট্রেনের অস্পষ্ট দূরগত ডাক ।

স্বর্ঘ্যদেব, এর পূরবা ওর বিভাসকে আশীর্বাদ ক'রে  
চ'লে যাক্ ।

বাসের একি শিংভাঙ্গা গৌ !  
যন্ত্রের এই খামখেয়াল !  
এদিকে আর পাঁচশামনিট—  
ওরে বিহঙ্গ, ওরে বিহঙ্গ মোর ।

স্বেচ্ছাতন্ত্র ছেড়ে, বৈরাচারী ট্রামই ভালো,  
ইচ্ছার দায়িত্বহীনতা ছেড়ে সংস্কারের বাঁধা সড়ক ।

বড়বাজারের উপলউপকূলে  
জনগণের প্রবল শ্রোত  
উগারিছে ফেনা  
আর বিড়ির আর সিগারেটের আর উম্মনের আর মিলের ধোঁয়া  
আর পানের পিক্  
আর দীর্ঘশ্বাস  
বড়বাবুর গজনায়ে  
বড়সাহেবের কটা চোখের ব্যজনায়  
দাম্পত্যমিলনের শ্রান্ত সম্ভাবনায়  
অপত্যাধিক্যের অম্লশোচনায়  
ট্রামের বাসের কারের ফেরিওয়ালার রলরোলে  
এই ক্লাইভ ডালহুসি লায়ন্স্ রেঞ্জের ডেলিপ্যাসেজারদের

ক্লান্ত নীরবতায়

তিক্ত গুঞ্জে

শুধু অস্পষ্ট একটা বিরাট লাগ্‌ডাঁট আওয়াজ

যেন শিশিরভেজা মাটিতে পাতাঝরার গান

বা যেন একটা বিরাট অতলু দীর্ঘশ্বাস

বড়বাজারের ক্ষতবিক্ষত কিস্তি অমর আকাশে

তারায় তারায় কাঁপন লাগে যার মীড়ে মীড়ে ।

নিতে হল ট্যাঙ্কি ।

নতুন ব্রিজে কি ট্রামলাইন পাতবে ওরা ?

হে বিরাট নদী

খালাসীর গান

সব পেয়েছির দেশে

ককেনের দেশে

যত কিছু বই ছিল সব পড়ার শেষে

ক্লান্ত রক্তের বিবর্ণ আবেশে

স্বীমারের বাঁশী

আর খালাসীর গান ।

ট্র্যাফিক থমকে দাঁড়ায়, উঁচোট খায়

বেতলা, বেসরো, মিলের, কলের, চোঙার ঘোঁয়ায়

পল্টুনের কঁকে ফাঁকে শিরশিরে হাওয়ায়

আলোয় ঝিকিমিকি জলশ্রোতে ।

জনশ্রোতে ভেসে যায় জীবন যৌবন ধনমান,

আশে আর পাশে, সামনে পিছনে  
 সারি সারি পিঁপড়ের সার।  
 জানিনি আগে, ভাবিনি কখনো  
 এত লোক জীবনের বলি,  
 মানিনি আগে  
 জীবিকার পথে পথে এত লোক,  
 এত লোককে গোপনসঞ্চারী  
 জীবন যে পথে বসিয়েছে জানিনি মানিনি আগে,  
 পিঁপড়ের সারি  
 গোড় জনের ভিড়াক্রান্ত মধুচক্র হে শহর, হে শহর স্বপ্নভারাতুর

পাঁচমিনিট, পাঁচমিনিট মোটে ।  
 কালের যাত্রার ধ্বনি শুনতে কি পাও  
 উদ্দাম উধাও  
 ট্রেন এল ব'লে হাওড়ায় ।  
 ওপারে স্টক এক্সচেঞ্জের এপারে রেলওয়ের হাওড়া,  
 তারই মধ্যে বসে আছেন শিবসদাগর  
 চ্যাক্লির হৃদস্পন্দ, ট্র্যাফিকের এটাক্সিয়ায় ।

এল ট্রেন  
 মস্থিত ক'রে রক্তেদ জোয়ার  
 আনারই একান্ত মগ্নতৈত্ত্ব মস্থিত ক'রে ।  
 দেখলুম তোমার হোস-অণ্ মুখ জানিবার,  
 —একটু কুণি—  
 শুনলুম যেন ভোরবেলাকার ভৈরবীতে ।

হায়রে। আশার ছলনে ভুলি।  
কোথায় তুমি। ট্রেন তো এল।  
কয়লাখনি ধ'সে পড়ুক,  
ধর্মঘট নাই বা থামল,  
ট্রেন তো এল।

তোমার কি অস্থখ হল ?  
তোমার বাবার ?  
হঠাৎ দেখি লাব্‌সি,  
বললে, এই যে, কি থবর,  
আমার জন্মে এলেন নাকি ?  
দিদি আসবে সাতুই।

ভেবেছিলুম তন্দ্রালসা সঙ্ক্যার গোধূলি ছায়ায়  
ট্যাক্সির নিঃসঙ্গ মায়ায়  
ট্রেনের ছন্দে স্পন্দিত তোমার হৃদয়ের গানে  
হাতে হাত উষ্ণতায়  
করব সেই চরম প্রকাশ, সেই পরম যবনিকামোচন। হায়রে।  
—আমার ফাঁকা লিবিডোকে এখন চালাব  
কোন বুর্জোয়া খেয়ালের বাঁকা খালে ?  
কোন্‌ ফ্রপদী অবদমনের নিদ্রাহীনতায় ?

১৯৩৫



## ক্রেসিডা

( শ্রীহীরেন্দ্রনাথ মুখোপাধ্যায়-কে )

স্বপ্ন আমার কবিতা,  
অমাবস্তার দেয়ালি,  
ধূম্রলোচন নিদ্রাহীন  
মাঘরজনীর সবিতা ।

হৃদয় আমার খেয়ার যাত্রী বৈতরণীর পার ।  
কাণ্ডারীহীন বালুকাবেলায় চোখ পুড়ে মরে দূরে ।  
হৃদয় আমার ছাপিয়ে উঠেছে বাতাসের হাহাকার ।

দিনগুলি তুমি তুলে নিলে অঞ্চলে ।  
বালুচরচারী দৃষ্টিতে ঝরে সান্নিধ্যের ধারা ।  
রাত্রিও চাও ? শ্রাবণের ধারাজলে  
মুখর হৃদয় তালীবনদীঘি কল্লোলে অবিরাম ।

ক্রেসিডা ! তোমার থমকানো চোখে চমকায় বরাভয়  
তোমার বাহুতে অনন্ত-স্মৃতি ক্রতুকৃতমের শেষ ।  
মত্তপ্রলয় তোমাতেই করি জয় ।

মহাকাল আজ দক্ষিণ কর প্রসারে আমারই করে ।  
ভীকু দুর্বল মন ।  
দৈবের হাতে হাত বেঁধে যাওয়া মহাসিদ্ধুর পারে ।  
সর্ব-সমর্পণ ।

হেলেনের প্রেমে আকাশে বাতাসে ঝঞ্ঝার করতাল ।  
ছালোকে ভুলোকে দিশাহারা দেবদেবী ।

কাল রজনীতে ঝড় হয়ে গেছে রজনীগন্ধা-বনে ।

বৈশাখী মেঘ মেছুর হয়েছে স্তবুর গগনকোণে !  
কুরুক্ষেত্রে উড়েছে হাজার রথচক্রের ধূলি ।  
স্বপ্নগোধূলি ডুবে গেল খর রক্তের কোলাহলে ।

লালমেঘে ঠেলে নীল মেঘ, নীলে ধোঁয়া মেঘেদের ভিড় ।  
মেঘে মেঘে আজ কালো কঙ্কার দিন হল একাকার ।  
বিদ্যায় নেভে ঈশানবিষাণে, বজ্রও দিশাহারা ।  
এলোমেলো পাখা ঝাপটি তবুও ওড়ে কথা ক্রেসিডার ।

ভ্রাস্তি আমারে নিয়ে যায় যদি বৈতরণী পার,  
ভবিষ্যহীন আঁধার ক্লাস্তি কাকে দেব উপহার ?  
তপ্তমরুর জনহীনতায় কোথায় সে প্যাণ্ডার ?

স্বসমুখ সে কোন্ দেবতার দ্বিরাচারী সস্তাবে  
অমরাবতীর সমাহারী নারী হেলেনের বালালোল ।  
আমারই শেফালি জেবলী কেবল, বরে জবাসঙ্কাশে ।

সূর্যালোকের ধারায় জেগেছে জীবনের অঙ্কুর ।  
আত্মদানের উৎসেই জানি উজ্জীবনের আশা ।  
অসূর্যালোকে বন্দী, কুমারী, তোমাতেই খুঁজি ভাষা ।

সময়ের খলি শতচ্ছিদ্র, বিশ্বতিকেই কাটে ।  
প্রাণোপাসনার পূজারী তাইতো তোমার শরণ মাগি ।  
প্রাণহস্তারা রলরোলে চলে ট্রয়ের মাঠে ও বাটে ।

উষসী আকাশ ধূসর করেছে মরণের আনাগোনা  
হেলেনের বুকে শবসাধনার বিশ্রাম আর নেই ।  
আমার হৃদয়-ঘটাকাশে শুধু জীবনের আরাধনা ।

ট্রয়ের প্রাচীর ভঙ্গুর কেন ? কোন হেলেনের  
অমর রূপের প্রথর আবেগে বিপুল বিশ্ব হারাল দিশা ?  
লোকোত্তর এ রূপণী বা কেন ? লোকায়তিক এ মরণ-তৃষা ?

জানি জানি এই অলাতচক্রে চক্রমণ ।  
সোৎপ্রাসপাশে বলিনাকো তাই কথা ।  
ক্রেসিডা । আমার প্রচণ্ড আকুলতা  
জীজিবিসু প্রজাপতির বিভ্রমণ ।

সোনালি হাসির ঝরনা তোমার ওষ্ঠাধরে ।  
প্রাণকুরঙ্গ অঙ্গে ছড়ায় চপলমায়া ।—  
মুখর সে গান ভেঙে গেল । আজ স্তব্ধ তমাল ।  
হালকাহাসির জীবনে কি এল কসলের কাল ?

এই তবে ভোরবেলা ।  
হে ভূমিশায়িনী শিউলি । আর কি  
কোনো সাস্থনা নেই ?

রজনীগন্ধা দিয়েছিলে সেই রাতে,  
আজো তো সে ফোটে দেখি—  
মন্দির অধীর রাতের তরী ফুল—  
রজনীগন্ধা, বিরাগ জানে না সে কি ?

হৃৎস্পন্দেও প্রেম করেনি এ আশা ।  
শক্ৰশিবিরে কুমারীর নত চোখে, মুখে, সারা শরীরের নয়ভাষা ।  
হে গ্রীকনাগর । ঠ্রয়কে হারালে আজই ।

কালের বিরাট অট্টহাসির ছায়া  
ঢেকে দিল ঢেকে তোমারও মরণ-মায়ী—  
হে মাতরিস্বা, মহাশূন্যের স্থখে  
তুড়ি দিয়ে যাই তোমারও প্রবল মুখে ।

তুমি ভেবেছিলে উন্মাদ ক'রে দেবে ?  
উদ্বায়ু আজো হয়নি আমার মন ।  
লোকায়ত মনে স্বেচ্ছাবর্মে লেগে  
বর্শা তোমার হয়ে গেল থান্-থান্ ।

বুদ্ধি আমার অপাপবিদ্ধমন্সাবির ।  
জড়কবন্ধ অন্ধ কর্মে ফুংকার করি নর্মাচারে ।  
প্রাক্তন-পাশ্চাত্য মাগি না । মন তুষার ।

পাহাড়ের নীল একাকার হল ধূসর মেঘের স্রোতে  
পাঁচ পাহাড়ের নীল ।  
বাতাসেরা সব বাসায় পালাল মেঘের মুষ্টি হতে ।  
স্তব্ধ নিখর পাঁচ-সায়রের বিল ।

শিবা ও শকুনি পলাতক জানি ভাগ্য তো কুকলাস ।  
কুরুক্ষেত্রে ইন্দ্রপ্রস্থ, পরীক্ষিতেরই জয় ।  
শরৎমাদুরী লুট ক'রে ফিরি—জয় জয় ট্রয়লাস ।  
উল্লাসে গায় পালে পালে ক্রীতদাস ।

বিজয়ী রাজার দানসত্বে শ্রাবণপ্লাবনে ভাসে  
পুরজন যত গৃহহীন যত বৃদ্ধ ক্ষুণ্ণ ভিক্ষুক ।  
হায়নার হাসি আসে স্মৃতিপটে—বেহিসাবী ক্রেসিডা সে

তুমি চ'লে গেলে মরনমারীচ মায়াবীর ডাকে নুক  
বধির ওষ্ঠাধরে ।  
তারপরে এল বণমন্ডনে দূরবিদেশের নারী ।  
কালো সঙ্কায় দিলে যেতবাহ তুটি—

স্মরণ তোমায় হানে আজো তরবারি !

১৯৩৬